

Bèsses en Gezèt

Gezèt vur alle leef luij van Groet Laoneke

Einenvieftegste jaorgaank

2023

Gratis en vur niks ien Groet-Laoneke.
Kospries boete Laoneke: 11 kier eine euro
(allein betale mèt de baankkaart es touwelaote)

Gedrök op èllefdoezend-en-èllef stöks.
PDF-bestaand van dees gezèt op vraog te verkriege:
bessemgezèt@telenet.be

Onder auspicië van de
Raad van Laon tot Aoke
www.deraodvanlaontotaake.be

**Alles euer viefteg jaor
Raod van Laon tot Aoke**

4

Den Aaftrap op donderdeg 16 fibrewari
Thibeau I en Sofie I
opene karneval 2023

9

Zóndeg 19 fibrewari
Bèsseskaravaan

20

Iech, zijne doorslöstige Hoegheid

Preens Ronny de Veerde 48ste Preens van het Hekseriek Laoneke

bin al van ien oktober aangesteld tot Preens van
Laoneke door de drei Wijze van de Raod van Laon
tot Aoke, met name Nijs Marc, Aajd Preens
Guido I en Roger Barthels. Zij höbbe miech
ónmiddellek e paar sjoen ieretitels mèt-
gegeave: Alleinhierser van de Greun
Hierlekheid Laoneke, Keuning van alle
Laoneker vastelaovendsgekke
en dat vur enen tied van ein jaor.

Iech bin ien
Laoneke ouch
gekint as:

- De baetere hëllef van Jos en Jos
- Fun-zelfstandige, gewoen vur de lol
- Professor aan de bekkers-universiteit van Hasselt
- Wienridder van de Boeketstraot
- De plezaantste thoes en bekans van hiel Belsj

48ste Errefpreens van het Hekseriek Laoneke,
2022-2023

Een oetgebreid
tilleviezieprogramma
vur de Hollenders
vindt ger op pagina 95

De preens kreeg
van **Garaasj Carlisi**
'nen hiele sjikken oto.
Kiek rap op pagina 5

OPGEPAS:
dees Bèssesgezèt
steit gaans vol
met flawwe kääöl,
sjaele zeiver en ouch
nog vääöl Fake News.

Jeugprinses
22-23



Sofie I

Jeugpreens
22-23



Thibeau I

**Sappi
bedaank
vur het sjoen
pepier!**

**MÈT GRATIS
KEUNSPOTER**
kiek binnenien

Ien dees gezèt besteije
v'r oetgebreid aandach
aan het koke.
Piet Huyzentruit
gief op elke
pagina
kooktips.



Scan de QR-code en
download de app van de
Raod van Laon tot Aoke.

PROFFIX Professionals fix it with PROFFIX
+32 (0) 89 77 71 76 info@proffix.be proffix.be
gereedschappen • bevestigingsmaterialen • werkkléd • veiligheidsuitrusting • verf en toebehoren
machines • power tools • werkplaatsinrichting • leenwaren • onderhoudsproducten
GRATIS LEVERING IN DEZE REGIO!
*Vanaf €70 per levering
Maandag t/m vrijdag: 7:30-18:00 • Zaterdag: 7:30-12:30
STAATSBAAN 11 3620 LANAKEN
WWW.PROFFIX.BE

The Filling Station
GOOD FOOD, GOOD FEELING!
The Filling Station
Tournebride 53 • Neerharen • Lanaken
T +32 (0) 89 72 1986

sappi
Montaigneweg 2, 3620 Lanaken

MÈT KONFÈTTI GOEJE ÈS ALLANG VERBOJE

Dat doen ver allang nemie

Pedro Steegmans, veurzitter.

Weurdje van de veurzitter

Beste Karnevalsvrun, Ger hōb wir de gelauwerde Bèssemgezèt ien uch han, gedrōk door Jack Pietermans op sjik kwaliteitsvol pepier van de Sappi, boevuur ózen daank. Ouch e weurdje van daank aan de Bèssemredaktie, deij vanaaf oktober 2022 wir drōk aan de gang waar um uch ditsjoen exemplaar vur te bereije. Jef Janssen, ózen eigeste Bellemaan, haet dit jaor de redaktie vervoog en zeker ouch ze steintje bijgedraoge.

Ver hōbbe al hiel get bals bezeuk mèt ós nuij Preen-setrio: Prens Ronny IV, Jeugprens Thibeu I en Jeugprinses Sofie I en ze hōbbe zich al good laote goon ien, weij ze zègge, het vijfde seizoen. Dat belaoft vur het karnevalswEEK-ent!

Ouch dees editie steit wir vol sjaele zeiver en flawweköl, zoe weij het huurt mèt karneval. Vāöl laesgenot en prebeer op de foto's en tekeninge bekinde Laonekenare te óntdèkke. Wèh good opgelèt haet, dèh mót al gezeen hōbbe dat de keunsposter, midde ien dees Bèssemgezèt, al e tiedje aan het gemeentehoes ophink.

Iech weens uch allemaal ene fantastische karneval! Kóm kieke nao de geweldige Bèssemkaravaan en nao de heksevenbranning den deensdegaovend vur het gemeentehoes.

Alaaf Alaaf Alaaf
Pedro Steegmans,
Veurzitter



Hoofredakteur J.P. Hermans en z'ne voltallege redaksieraad tijdens de waekelekse vergadering. Edere kier weurt dao à volonté gegaete en gedroonke. De factuur sture ze elke kier nao de stad Sint-Truije. Nit te geluive, meh die gekke betale dat!



Weurdje van de redaktie

Hallo minse, uch Bèssemgezèt lik wir klaor ien de brevebös te bleenke. De vieftegste? Ien eder gevaal verzōrreg e sjoen team van gekke dat 'r de waek vur de karneval get te laeze ès ien het Laonekers dialek. Lōk het uch um de gezèt te laeze of zeet ger geliek de kinder ieder oet op de preentjes? Laes iers de korte stökskes, beveurbeld e mupke, dan kómp ger get t'rien en ès den tied op

de wc-pot geine verloren tied. Vreuger woort zoe'n gezèt ouch nog gebruik op 't eind van uch WC-activiteit. Marino ès zoe al dèks besjete aangekómme. Ver weense uch ien eder gevaal hiel vāöl plezeer bij 't laeze van de Bèssemgezèt. Vèr hōbbe wir vur dit jaor ós werrek gedoon. De redaktie: Jolien Briers (foto's), Eddy Meuris (stadsarchivaris), Ivo Smets (dörrepsdichter), Jean-Luc Florens

(dialektolimonoloog), Gunter Claessens en Roger Barthels (nuijts oet de Raod), Achiël Geurts (lay-out), Jos Janssen (stagedoend redakteur), Pieter Rasking (redakteur), Ronny Tollenaers (preensinterviews), Dennis Dops (as ins geinen oorlog ès), Joeri Veugen (presentator veurstèlling) en Jean-Pierre Hermans (beer hole en eindredaktie)

WEURDJJE VAN DE BÖRREGEMEISTER

Men leef luij,
bèste karnevaliste,

2023 belaoft e normaal karnevalsjaor te waere, mèt opnuij stoete, machseuverdrachte, ein en aal gezelligheid en vāöl plezeer. Ès ederein dan wir gelōk-keg en content? Nit hielemaol. Al ès het laeve wir bekans gaans normaal, alles ès stikdeur gewore. Ouch de gemeente haet 'r las van. Ver deenke 'r good euver nao, meh ouch nit te vāöl, anders hawe ver koppijn t'raan euver. Toch eenkele originele veurstèlle? As ederein lid zouw waere van de getuige van Jehovah, dan zouwe ver al fleenk bespare ien de portemonnee. Deij bringe het leech gratis bij de lede. Raecken uch besparing mer ins oet! Iemes de hel touweense kleenk nit sympathiek, meh dao ès het wel altied lekker werrem. Dao keumpste allein terech aste

OLIFAANTE IEN DE STOET VENAUF NOUW VERBOJE



stoute dinger gedoon hōbs. Maok zellef mer uch raekening van de veurdeile en de naodeile. Een aander oplossing zouw kinne zien um Poetin te kroene tot preens karneval van het hekseriek Laoneke! Poetin spaelt gaere de baas en daobij, Laoneke ès ein van de beroemste karnevalsstij van de waereld. Boe her keump, dao knalt 't en... ès Russich gaas zoe good as gratis!

Weij ger hōb kinne laeze en deenke... Karneval ès den tied van sjaele zeiver en flawweköl. Laot ós aaf en touw mer ins good lache, het laeve ès zoewie-zoe al serieus genóg. Vur ernsteg en serieus te zien blijf nog tied genóg euver! Iech weens uch allemaal 'ne zalege vastelaovend.

Marino Keulen
Börregemeister



Wilt ger ins get weite?

- Het parcours van de stoet ès weij aander jaore: Pannestraot, Staosiestraot, Bèssemerstraot, Heikaant, Waoterstraot, de Merodelaan en Keuning Albèerstraot tot aan de kèrrek.
- Op het parcours van de stoet kint ger venaaf 13 oor mèt den otto nōrreges mie door, dus op tied en vur 13 oor uch parkeerplaatske zeuke ès de boodsjap.
- De karnevalsbös geit wir reije: Beerpeunt, Tènt, Tot seffes Pietersheim, Cultuurcafé, Gusteau en

meuglek tot ien Smèermaos. Ter info: Groene Woud allein ope op zōndeg ónder de stoet.

- Wilt g'r volgend jaor mèt ugge groep, mèt de familie en de kinder get sjiks ien de gezèt kriege, dan mót g'r op tied d'raan beginne. Opsture nao bessemgezèt@telenet.be
- Maok 'ne duudeleke foto 's aovends as verkleijde of gewoen as gek langs het parcours. Opsture daen handel.

De bak van de Bèssem



De Prens gedreug zich nog altied good, den ordonnance blijf e stepke achteroet.

Prens Ronny IV kin tijdes zen regeerperiode 2022-23 raekene op Ordonnance **Johan Digneffe**, um h'm door stōrrem en weend te lavere. Den Ordonnance mót de preens óndersteune en bijsture as de preens effekes dreigt boete de lijntjes van het protocol te kleure. H'r hāölt de preens thoes op en brink h'm ouch wir veilig thoes.

H'r zōrreg dat de preens geinen doors en hōnger haet, desnoeds geit h'r geliek de coureurs op zeuk nao spijs en draank. Ouch dat protocol oet den Tour ès h'm nit vraemp. Zeet g'r ouch geneigd um h'm e soort Ingelbewaarder te numme. Nouw op Johan kinste raekene. Kiek ins wat e sjoen pekske h'r dreug, good vur de bak van de Bèssem.

Orde van de karnevalis

Eder jaor weurt de 'Orde van de Karnevalis' oetgeriek aan iemes wat de karneval erreg genaeg ès. Dit jaor vilt óze eigeste bellemaan, **Jef Janssen**, ien de prijs. Her ès dan messjiens nit het type karnevalis waste op eder bal tegekeumps of gaanse nachte tijes deij daag verkleijd door 't dōrrep roondlōp. Toch dreug 'r de karneval deep ien zien hertje. Deenk mer aan de optreijes saome mèt Gunter (eind jaore '90), de kar-

nevalsmusical 'de preensescepter' ien oktober 2000. Sedert vurreg jaor woent Jos trōk ien Laoneke. Heij kin 'r zich wir ins good oet laote nao ze verblief ien de buurt van St.-Truije. Her zink bij de 'Zingende Manne' en ès de redaktie van de Bèssemgezèt kómme versterreke. Her ès hiel gaw wir 'thoes'gekómme! Reije genóg dus um 'm te decorere mèt de 'Orde van de Karnevalis 2023'. Proficiat Jef, Jos of Jozef!



Op de foto langs zen vrow Siny....., dan dōref h'r zich al ins te gedraoge!



En wat hōbbe v'r vandaag gelierd?

2

TENNISHAL
Aan de Engelse Hof 10/4 - Lanaken
089 72 26 34

Cafeteria Tennishal Lanaken
Openingsuren 10.00 tot 01.00 u.
Zondag 10.00 tot 14.00 u.
Info voor feestjes, vergaderingen, enz...
0471 19 80 96

PIETERMANS
MEER DAN DRUKWERK ALLEEN...

Wolfstraat 1 - 3620 Lanaken • +32 (0)89 714350
info@drukkerijpietermans.be • www.drukkerijpietermans.be
Postbus 2715 - 6201 JA Maastricht

GARAGE VANDERVEKEN
DILSEN

Rijksweg 946
089 85 36 08
info@garagevanderveken.be
www.garagevanderveken.be
BE 0842.283.167

**VERKOOP - ONDERHOUD
HERSTELLINGEN**
TAKELDIENST 24/24 - AIRCO-SERVICE

SPECIALISATIE

MAURICE VAN AKEN
DrinkB Benelux

M +32 495 51 88 95
T +32 89 68 02 77
E mva@drinkb.com
W www.drinkb.com

A Sprinkestraat 47
3690 Zutendaal
Belgium

IMPORT BRAZILIAANSE RUM

Het jaor van **Sjang**

Gojendaog Laoneke, wat zien ver blij de Corona achter ós gelaote te hōbbe. Ver zien wir vrij minse deij kinne doen en laote wat ze wille: e fieske bouw, een hendje gaewe zōnder naospeuling mèt javel, minse ins good vaspakke... Zellefs de karneval, ger wèt wel, het groetste fies van Laoneke, geit dit jaor door. De meserie van de vurbije jaore hōbbe ver wied oet óze kop verdrōnge. 'ne Mins zouw zellefs nog mōtte naodeenke euvr wat her al dèn tied gemis haet. Ouch vur de bōrregemeister weurt het laeve saai, zōnder liveverslaog aan de Smèermaozer border euvr de stoute minse deij vur de leefde de grens euvrstaake. Het gewoen laeve ien Laoneke hernump zene gaank, meh nit vāöl mie. De bruus pōt nog altied nit oet de fles. Aan bouwkrane aan de skyline hōbbe ver gein gebrek! Laoneke weurt

een groete stad... zóng D'rop & D'reuver. Zellefs aan den awwe Remember zouwe de activiteite hernómme weure. Vurluipeg ès 't nog effe wachte tot de betōn oetgehard ès. Op aamper viefteg meter keump wir e koet aan den awwen Delhaize. Vur de sloopwerreke waar de waek vur de Keersmes oetgekoze. Gein sjoen fiesaanbejinge vur de klaante, wel een dikke laag stōp ien de kael en ergernis. Hiel Laoneke steit ien 't teike van de veiligheid. Vur de ienhiemse bieste kaom 'r roond de Molenbergstraot de Laoneker Oosterweel, mèt ene veilege óndergrondsen doorgaank door hunne isotoop. Den otomobils zal get minder ecovreuntelek de 8 waegversmaolinge en plateaus trotsere. Optrèkke, vertrage... Pas op, de kins wel ien e leuk decor denen oto nao de kloete rije. Ien haaf Laoneke ès trajec-



control iengevoerd. De veiligheid en zeker de portemonnee van de gemeente geit 'r good bij vaore. As dat nog nit genóg ès, weurt de jach op de cent van de Laonekenaeer steveg opgevoerd door de Gaasambtenaer. Das 'nen hiele gojen ambtenaer mèt een arendsoug en dan wètste het wel. Dèh maan besjik euvr bovenatuurleke gaves mèt veurspellend karakter. Her srijf al vurste ien de fout bès gegange. 'ne Straffe kadé dus. Allein vur de bieste weurt Laoneke bruusend. Niks te vuurwerrek of

witte doeve op denen trouw. Ouch gein äöp op de kèrmes. Dao loupe 'r ien Laoneke al genóg van roond. Zellefs den touvenaer maog gein knijn mie oet zenen hoed touvere. Ocherrem, mōtte deij dao hun hiel laeve blieve zitte te jōngele? Allein het paerd van Sinterklaos maog ien de stoet, mèt exclusief permissie van de bōrgervader, nog zen smaajtebolle op de straot placere, as de GAASflik nit op de loer lik natuurlek. Dan hōbste stroont aan dene knikker. Tot vollegend jaor esteebleef!

Nuijts oet binne- en boetelaand

Lange-aafstands-rakèt van Kim-jong-oen bereik de Piccadilly



Het gelickvloers waar volledig weg ... en ouch de hiele Delhaize dao tegeneuver waar verdwene!

De Zigeuner mótt van naam veraandere



Bösbedrief De Zigeuner mótt van naam veraandere. Dao waar hiel get krietiek gekómme op het woord 'Zigeuner' van rasechte zigeuners en tal van leenkse aktiegroepes. Dit jaor besteit het bösbedrief 75 jaor. Um ederein kontent te stèlle weurt de nuije naam: 'De Zigeunerin'. Dat ès tenminste oprech vrouwvreuntelek, allein geit de reis nog vāöl langer dore.

Gemeinte Laoneke weurt slaopend riek



Niks mis mèt de Belze begroeting



Weij móste 'ne goje selfie mao-ke? Venaovend um 8 oor start de ierste lēs. Lokaal 1, CCL



Kerncentrale geit touw



Tinne Van der Straeten (greun) wil 2022 oetrope tot **JAOR VAN HET VROUWELEK ORGASME**
Jaor van het vrouwelek orgasme en dat zōnder stroom of batterije?
Alleen mèt weend goon ver d'r nit geraoke...

Lawine nao après-ki



Ien Oostenriek hōbbe zich gistere hōnderde toeriste oet de veuj mōtte maoke vur 'n enorme lawine. Wat of wèh de lawine veroorzaak haet ès nit bekind.



De Raod van Laon tot Aoke stuurde verleije maond Boris van de Carrefour Market nao Ruslaand. Mèt Poetin mós gereigeld weure wie 'ne volle camion kermelle via Oekraïne veileg en wel nao Laoneke kós kómme. De ónderhandelinge verlepe **NIT** good: Poetin verstoont gein Laonekers.

HURKMANS
In- en Verkoop houten pallets

Sandersweg 200
6219 NW Maastricht
Tel. **31(0) 43 3251111

Van Akenweg 90
6218 HP Maastricht

info@hurkmanspallets.nl

www.hurkmanspallets.nl

Verslegers Bollen & Martens
I VERZEKERINGEN I

Populierenlaan 44, 3621 Rekem | +32 89 715719

www.verslegersbollenmartens.be

GOBO
Transport & Logistics

Tongersesteenweg 53 • Lanaken • 089 71 00 70

www.gobo.eu

Feestmagazijn.be

Ballo Creaties

balloncreaties.be

Orde van de Bèssem postuum oetgereik

De Raod van Laon tot Aoke woort oorspronkelek opgerich ien 1956, mèt Guillaume Eurlings as veurzitter. De opeinvolgende preense waore: René Pietermans, Guillaume Eurlings, Felix Geraerts, Freddy Nelissen en Hubert Hesemans. Al nao 5 jaor woort beslote um de wèrking stop te zètte. Jaore laank woort De Raod toch wel gemis op de Laoneker karneval. Ien 1972 kaom er terōk laeve ien de browserij. Raymond Hermans, Henri Vangelabbeek en Etienne Peulen stoke het vuur aan de loont um saome mèt ne nuije Raod de stoet te organisere mèt Marcel Panis as veurzitter, Raymond Hermans as schatbewaarder en Willy Stöcker as ónderveurzitter. De euvrige leden waore Hubert Franssen, Harrie Eurlings, Etienne Peulen, Jean Paulissen, Johnny Grosemans, Willy Meuris, Omér Matteredne



Het joonk vollekske van de Raod geit ins good de blumkes boetezètte ien Benidorm. De kleijer ien e tuutje van de Aldi en eder een velies vol pille

en Martin Gorissen. De naam 'Raod van Laon tot Aoke' woort trōk euvergepak van den ierste Raod en ien 1973 trok dan opnuij de Bèssemkaravaan oet ien Laoneke, mèt preens Hendrik Schellingen. Op dit ogenblik ès allein nog Willy Stöcker actief bij de Raod. Ien 2022 kreeg den huidege Raod van Laon tot Aoke den titel "Keuninklek" umwille van het 50-

jaorig bestoon. De Orde van de Bèssem weurt dit jaor postuum oetgereik aan zoewel de oprichters van de ierste as van den tweede Raod van Laon tot Aoke. Iere aan weh iere towkeump!

Raodslid en doevemelker



Erik Tollenaers toent ós 'ne foto boe-op dudelek te laeze steit dat doeve vore **roekoeloes** ès. En dat klop ... daoveur zèt 'r altied 'n klak of e mōtske op.



Nuij binne de raod



Ouch dit jaor hōbbe ver wir een nuij bestuurslid binne de raod. Nuij? 't Ès te zègge, ieder OPnuij. **Erwin Caubergh** waor nao ze preensejaor ien 2013 ien de Raod gestap en nao e tiedje haet her de Raod echter alwir verlaote. Meh weij doevemelker Erik Tollenaers zouw zègge: "Ien ene goje doeveslaog kōmme alle gooj doeve trōk." De Raod ès daan ouch blij dat ze Erwin trōk kinne verwelkōmme. As lid van de stoetkermis zal 'r mèt deveur zōrrege dat dit jaor een prachtege Bèssemkaravaan door de straote van Laoneke trēk. Erwin, welkom en succes!

Orde van

LIVEKE



Ter informasie: Rudi Mechels haet niks mèt het ónderwèrrep te maoke, ver hawwe gewoon e klein streepke ruimte euver!"

Eeder jaor riek LIVEKE, de Limburgse Vereininging Karnevals Evenemeente, de Orde van Verdeenste oet aan de baeter lede van aangeslote Raode van Èllef oet Limburg. Dit seizoen ès **Gunter Claesens** de Laoneker laureaat. Eind jaore '90 deeg her saome met Jef Janssen, ien naovolgving van Sjang en Sjo, buuteoptreijes bij de machseuverdrachte op het gemeentehoes en op de proonkzit-

tinge. Het stoont ien de sterre gesjreve dat Gunter as hevege karnevalis oets preens zouw waere. Ien 2000 waor het zoe wied: de Millenniumpreens Gunter.

Ouch ien 2000 sjreef 'r de musical "De Preensescepter", e grandioos succes! Ien 2017 ès her bij de Raod gegange, iers as raodslid, ien 2020 as ónderveurzitter. Gunter, proficiat met de Orde van Verdeenste van LIVEKE.

Hekse-teambuilding ...



As de manne van de Raod bezeg zien mèt 't organisere van de karneval ien Laoneke, dan zien ze hun eige vrouw nog nit mie stoon en ès 'r zeker geinen tied vur te goon shoppe. Sōms meine ze zich ouch nog ins interessaant te maoke mèt oetspraake weij: "Iech hōb e sprookskeshuwelek... iech bin getroujd mèt de hēks". Tied vur de vrouluuj um de range te slete en "Eindrach mōk mach!" indachteg tege de manne ten strije te trēkke en aan teambuilding te doen! As manne nouw dachte dat vrouwe niks te doen hawwe... enen datum prikke blik al een hiel opgave. Plaats van bijeinkōms vur 'nen daog teambuilding: de parking van de cinema. Van heinde

en verre kaome ze aangevologe. Het versjeel ien staand waor dudelek te mērreke. Vāōl 2PK-bèssemkes, heij en dao 'ne cabrio-bèssem of een jeep. De vrouw van de veurzitter haw ónderwaeg twie kier een noedlanding mōtte maoke vur de moteur trōk aan te zwingele. Nao 'n resem gasboetes van Marino, blik ouch gein geld euver te zien vur een elektrisch ECO-model. Wat stoont op het program? Richting de Maas um te goon suppe. Suppe? Op een plaank en e peddelke probere op de Maas vuroet te kōmme zōnger met 't gesmeenk gezich ien het waoter te valle. Nao hiel veul probere kōste ze de Maasvallei ien Herbrich berieke vur koffie en vlaaj. Bleek dat de café dao al e paor jaor touw waor. Mèt de vitaal ónderdeile zoe good as bevore, mèt de bèssem tōsse de bein trōk nao Laoneke. Wēdde dat ze volgand jaor nit wijer kōmme as de Chaplin?



Ien memoriam

Dit jaor kaom ouch slech nuijts oet het dageleks laeve van de Raod van Laon tot Aoke. **Johnny Grosemans, Fer Gorissen** en **Lène Vanheeswijck** zien dit jaor euvrelleij. Alle-drei fantastische minse mèt 'n groete verdeenste binne de Raod en de karneval van Laoneke.



Johnny waor betrokke bij de stichting van de Raod ien 1973. Her bleef enen hielen tied bij de Raod van Èllef en waor iemes boeste altied op kōs raekene, nit ien de sjenwerpers, wel op de plekke boe gewērek deende te waere. Bij de academische zitting n.a.v. de viēftegste verjaordeg van de Raod vertēlde Johnny dat h'r hiel blij waor dit jubileum nog te kinne bijwoene, ondaanks z'n zeeke. Her ès euvrelleij op 71-jaorege laeftied.

Fèr waor ouch jaore bij de Raod, zellefs iereraodslid. Her ès 72 jaor gewore. Opmerkelek feit, Fer waor ein van de stichters van de karnevalsgroep "De Laote" ... en dat haet de Raod geweite. Op eder bijeinkōms waor het wachte op... Fer. Een vol peent lāōste gewoon nit stoon!



Hélène of **Lène** waor de vrouw van Willy Stöcker, stichtend lid van de Raod en nouw bekans 51 jaor lid. Lène haet ouch deij hiel periode van stichting tot vandaag mèt- en doorgemaok. Lène waor ouch mama van daansmerieke Anita Stöcker en haet jaore laank café Hewian oetgebaat. Lène ès euvrelleij 79-jaorege laeftied.



door aan ene goje opvolger nl. **Marc Nijs**, um saome mèt Guido Meertens en Roger Barthels deij zwoer taak te draoge. Marc ès papa van jeugprinses Nanou I oet 2020. Ien deij betrokkenheid haet 'r de wèrking van de Raod liere appreciēre. Marc welkom! Terlous e v'rōgske: Mōs ger soms deenke dat uch zoontje of dochter euver het gevraag profiel as jeugpreens of jeugprinses besjik, of zeet ger uch zellef as ne goje preens, dan kint ger altied ien alle discretie deij kandidatuur iendene bij de genumde lede van de Wijze. Roger en Guido, ouch mèt de steun van Marc gaot ger het good doen! Vāōl succes.



De achteen lede van de Raod van Èllef ien vol ornaat en mèt witte haasje aan.

BEENHOUWERIJ OTTEN
CHARCUTERIE

Beenhouwerij Otten
Henri Dunantstraat 10 • Lanaken • tel. 089 71 42 84
Open: dinsdag-vrijdag van 8.00-12.30 en 13.30-18.00,
zaterdag doorlopend van 8.00-17.30 • Zondag en maandag gesloten.

Tekenbureau
Lenaerts Jacques
Bureau voor nijverheidsstudiën

Bessemerstraat 399
3620 Lanaken (België)
Tel.: 089 73 15 49
GSM +32(0)476 54 53 66
jacqueslenaerts@telenet.be

TOURNÉ ALUMINIUM PRODUCTS

TAP Tourné Aluminium Products
www.tap.be

INDUSTRIEWEG 12
3620 LANAKEN
BELGIUM
089 / 72 29 96

FREZEN GIETEN LASERGRAVEREN WATERSNIJDEN

WWW.TAP.BE ALUMINIUM • ROESTVRIJ STAAL • CORTENSTAAL • ETC...

Preens Ronny IV

Van ien oktober haet Laoneke ene nuije preens, Ronny de Veerde! Ien het dageleks laeve ès 'r gekind as Ronny Dreesen, getroujd met Wendy Heems-kerk, papa van Mika en Jade en sjoenpa van Louka. Sinds jaor en daog ès Ronny professioneel bezeg as hofleverancier van alle soorte typekes: Sinterklaos, de paoshaas, de Keersmaan, tot euver de grenze heen. Bij z'n oetroping kaom 'r hiel enthousias oet de preensekis ien e nuij concep van de Raod. Da's ouch boe Ronny vur steit: fris en moonter de minse 'nen onvergaeteleke vastelaovend bezörrege, boe ze jaore laoter euver blieve kalle. Van opleijing ès Ronny bekker, zwumlieraar,

pingpongcoach, volleybal- en badmintontrainer,... tot z'n entertainersblood 'm ien een gaans aander richting dreef. Sinds 15 jaor ès her eigenaer van Profun, e bedrijf um minse te vermaoke. De kaans ès groet dat ger Ronny oets zeet tegegekómme as Polies, knien of ambtenaer. De karnevalsmikroop, geliek ze zègge, haet 'r van zene pa, ien the early days trosselaer bij Jus te Nève en laoter as lid bij de KV de 'Boelvaar'. Her waar actief betrokke bij de oprichting van de groep van den Heuvel. Nouw löp 'r eder jaor mèt kammeraode ien de stoet, ien e gekoze thema um de luij ene sjoene karneval te bezörrege.

Ouch dit jaor geit 'r wir z'n steenkende bès doen um 'r wir good te stoon. Niemes haet z'n twiefels.



Vasgeplek aan sjilderij



Ien naovolleging van de klimaatactiviste haet ouch Prins Ronny de veerde zich vasgeplek aan e sjilderij. Het betreffende sjilderij ès de bekroende keunsposter 2023 gesjilderd door Ruud Geurts. Het werrek waar volledig nao de kloete en nitmie te herstelle. Gelökkeg haw de Raod van Laon tot Aoke van de keunsposter mie dan 7.000 reproducties laote maoke en kós dus het originele dook vervange weure. Niks aan de haand dus. Allein preens Ronny: dèh haet nog 3 daag roondgeloupe met roed, gael en greun olieverf op ze gezich.



Vrijwilligers gevraagd

As Raod höbbe ver hiel vööl te doen, ouch al maoke ver het al ins get broen. Jaozeker, dao móet op tied gewèrrek weure, en ver wille wieneg luij ien goon heure. Daoveur höbbe ver aan uch de vraag: "Wilt ger ós ins get hellepe, dat maog?" Ver beje uch gein hoeg loen aan, meh wel een hiel gezellege vaste baan. Fijn dat 'r zoe al luij zien deij dat doon, meh ver höbbe 'r altied get mie vandoon. Hób ger gósting, laot het dan mer hure, of vraag 't ins aan uch vrún of bure. Soame lievere ver uch ene goje karneval, dao geit 't oeteindelek um, bovenal.

Preens krijg oto kedo

Preens Ronny de veerde kreeg van Garage Carlisi 'nen hiele sjikken oto kedo. Ien kooje van letters, en ien de kleure roed, gael en greun, steit dao z'ne naam op en ouch die van de jeugpreens en de jeugprinses. Dat beteikent dat Sofie I en Thibeaou I ouch met dèn oto maoage mètrije.

En wat höbbe v'r vandaag gelierd?

5

Wis ger dat óze preens lès gief aan bankètbekkers?



Met awwer waere, weurt het allemaal nit gemaakeleker!



Karikatuur van Preens Ronny IV

Ludy Haenen oet Mestreech ès dit jaor wir de teikenaer dèh 'n sjikke karikatuur haet gemaok van preens Ronny IV. Op de coverpagina van dees Bèssemgezèt steit slechs e fragmeent en daoveur drökke ver heijbove z'n volledige tekening aaf. H'r maochte ouch de karikature van jeugpreens Thibeaou I en jeugprinses Sofie I. Nen dikke chapeau vur zoevööl teikentalent!



Bij de rijkswach

Preens Ronny IV ès bekind ien hiel Vlaandere. Eind jaore 70 brach 'r, saome met *"De Strangers"* een ierste singelke oet. Op de A-kaant stón *"Bij de Rijkswach"*, op de B-kaant: *"Mèllek-sjokelaat mèt neutjes"*.

Preens krijg langs alle kaante felicitaoties

The lady of the white house is speaking



Daanke my Lady vur uch felicitaoties



FORESTA
LUNCH - DINNER - DRINKS

Autobanden Pé
Bel en bestel:
04 79 04 02 91
www.autobandenpe.eu

De Hoveniers
een groene beleving
TUINAANLEG, GRONDWERKEN EN TUINONDERHOUD
0479 138785 • info@dehoveniers.be • www.dehoveniers.be

Christoffels Neven Claessens
ADVOCATEN LEGGE PUNTO
Stationsstraat 150 - 3620 Lanaken
info@advocatenlanaken.be • T +32 (0)89 71.17.27 - F +32 (0)89 71.17.28
www.advocatenlanaken.be

HK
KEUKENS
BADKAMERS
INDUSTRIEWEG 50A • LANAKEN • T +32 (0)181 73 85 80
www.hkkeukens.be

RÈKEM



Preens Bert den tweede, alias Bert Houben, ès de zoon van Clement Houben en Treeske Christoffels.

Bert zene pa waor al lang geleije preens van K.V. De Waoterratte oet Kotem. Ouch z'n ma haet het karnevalsvirus fleenk te pakke en sluit noets een karnevalsactiviteit euver.

KV DE BRIKKEBEKKERS
REKEM
2022 - 2023
PRINS
BERT II

Program

Vriedeg 17/02/2023: Bezoek aan de Rêkemse sjaole
Zaoterdeg 18/02/2023: Opwèrmerke
Vurmiddeg: Preenselek bezoek aan de wiek Hangvèld 's Aoves: Deil ein van de kroegetoeh!
Zóndeg 19/02/2023: 10 oor Heilege mès ien 't dialek, kèrrek St.-Pieter. 11 oor 11 Machseuverdrach ien óntmoetingscentrum Kleinveld
's Aoves: vervolleg kroegetoeh door Rêkem
Maonedeg 20/02/2023: Den hoegdaog mèt de 59ste stoet door de verseerde straote van Rêkem. 14 oor Relaamstoet 14 oor 11 Karnevalsstoet 's Aoves geit den TGV snorre, van café tot café
Deensdeg 21/02/2023: Hekseverbranning aan café De Sjoester.

de hinneplökkkerij. Her zörreg dat het ploume van de hinne gesmaerd verlöp. Mèt zoe'ne kaerel vinste dus genein hin mèt e technisch mankemeent. Tot slot weense ver Bert ene goje, plezerege en veilege karneval!

Alaaf, alaaf, alaaf !!!

De Gellèker Galliaren

Prinses Anneleen I

Gellèk wjèd vjergegange dwôr ene hoeglustigheid, deze kier mèt scepter en e krientje op de kop! Anneleen I (Massot) maog dit jaor de karneval vjer gwôn as prinses van de Gellèker Galliaren.

Ze es 25 jaor en haet altied gevoend ien gellèk, as dochter van Benny Massot en Tina Lambrechts. Ze woent nog altied bij her auwers op de Houterstraot, vurlopeg toch, want h'r lééfste hèt ien Laoneke jèverlès e heijsske gekoch. Nao de liegere sjaoltied is Anneleen gwôn weijer liere en zit now zèlles ien de letste maonde van de master ien de biomedische wjètenschappen. Anneleen is gjen bezig. Boete liere, kin ze ooch nog hël werrek: as weenkelhöllep bij de keurslachter ien opgrimbie en as fritjesbekker ien snackshop Landal zietendaol. Dan is ze ooch nog hoofdleidster van chiro Jooske ien sméermaas en e griets bestuurslid van C.V. de Klungelère oet Laoneke. As dan nog get tied jèver bleif..., géét



ze gjen e peentje pakke met her leefste Sid Weltjens. As keend hèt ze het karnevalsblood van her groetauwers gekrège. Opa Polly woer éne van de weijze ien de ierste raod van de Galliaren en oma Marie-Hélène waor altied mèt de pekskes bezig vjer de oprèjes van de vrouwleij. Anneleen es griets um geliek her groetauwers, ene echte Galliaar te zien. Ze weens ich ne gooie vastelaovend en niedrig ich oet op hère hoegdaog, 4 mjèt (4 maart) um te geneete van de leechstoet mèt aanslènd e groet fies ien de tent op et dèrrepsplein. "Tot dao!"

Prinses Jess I

Ien 2010 wjèd Jess I (Schiepers), dochter van papa Sven en mama Sofie gebwô-

re. Mèt ene gebwôrtedatum as 11-11 wjèd ze ien de weeg gelag um oets prinses te wjere. As 5-jaorig keend krèp het roed-gèelgrèen blood al dwôr her aojers en leep ze her ieste stoet bij "De shelve" en géét as echte Shelm dwôr et lève. Boete de karneval es ze aan 't twirlen bij de "The shining girls" en aan't bokse, vjer et stevigere werk. Jess I liert ooch aan 't Pyxiscollege ien et ieste middelbaar. Dit jaor maog Jess hère drèijm belève. Prinses Anneleen I hèt her direk onder den erm gepak. Ze zinge en danse op éder bal tot nao et slétingsoor. 't Daok géét er traof as her prinsesseleedje, van her groete idool Juulke, dwôr de bokse kleenk. Aafspaok op de leechstoet. Jess I géét de Gelliker Galliaren griets maake op 4 mjèt '23. Alaaf!

LEECHSTOET GELLÈK ZAOTERDEG 4 MIERT

CV De Wottelzekskes

VELDWÈZELT

Jeugpreens
Dominick en
Preens Guy



Guy den Ierste,

Preens Guy den Ierste leit de Polonaise op de Wèzentse karneval. Z'n versjijning as preens waor vur ederein een groete verrassing. Alhoewel... Guy ès ooch gebore ien Mestreech en waor al deij jaore ien de Mestreechse straote te vinde op de straotkarneval, van café tot café.

Weij zinge ze ien Trech? "Café ien café oet...?" Een aander groete passie ès de gesjiedenis van Veldwèzelt, zeker as 't euver Waereldoorlog II geit. Al sins 2005 ès 'r gids ien fort Eben-Emael, hiel zeker ien oorlogstied verbónde met Veldwèzelt. Ger zeet allemaol welkom op een intrassaante rondleijing. Guy brink uch hiel gaere weitjes en ienzichte bij euver den oorlog. Zen intrasse vur de gesjiedenis en vreugere tije weurt nog concreter op het domein van Bokrijk. Tösse de aw huiskes, spaelt h'r de rol van plaatsseleke sjampetter ien het jaor 1913, ien een aajd Haspengouws dörrepke van het ope-lochmuseum, Vreuger waor h'r dao allein te vinde ien de week-ends of ien de vekaansies. Nouw ès h'r dao tewerrekgesteld as lemer/vitser, bij het ónderhaajd

en restaurere van historische gebouwe. Ver doen nog get bij op het huipke van intrasse vur de gesjiedenis. Saome mèt zen twee zäons lóp 'r mèt ien 't Mestreechs Rigemeent, een aw stadssjötterij en militair regimeent oet 1770. Sòms krup her ien de rol van "gestrafte" Belze vestingsartilleris, dèh aerappele pik ien het fort. Vur deij wat deenke... oei-oei enen "Hollender" as preens en jeugpreens.... Zeet gerös: Guy woent al van ien '98 ien Wèzent en häët zich al mèt het hiel gezin tot Belsj bekierd...

Jeugpreens Dominick

De Wottelzekskes zien altied bij de peenke en hóbbe al vur de cultuurlockdown ien 2021 hunne Preens en Jeugpreens van ónder het dook gehaold. Jeugpreens Dominick den Ierste ès gebore ien 2008 ien Mestreech, de

karnevalsstad euver de grens... Dan stroump dech zeker het karnevalsblood à grande vitesse door de aojers. As keend haet her ien 't Wezeltje zen lieger sjaol afgewèrrek. Nouw zit 'r al ien het middelbaar ien de richting STEM op het Atheneum Alicebourg te Laoneke. Zen interesse vur weijensjap, technologie, economie en wiskunde mótte 'm nao enen sjoenen touwkóms leide. Dominick ès gaere boete op zene e-step of mountainbike. Vur chille mèt z'n vrun ès 'r altied te vinde. Het ès ene bezege charel, meh van den aander kaant kin 'r zich ooch good bezeg hawe achter zene computer of mèt game. Maog iech bij deze nog effe vermelde dat zene pa ooch, tot eders verrassing, de groete preens van Wèzent gewore ès. Het weurt e sjoen duo. Saome oet, saome thoets!

Karnevalscomité Smèermaos alaaf

Ien Smèermaos zweije opnuij de vrouwluij e gaans jaor laank de scepter! Ien 't 50ste jaor van de Smèermaozer karneval ès Sandy Meuris de 49ste prinses en Naomi Eurlings de 38 ste jeugprinses van 't Smèermaozer karnevalsriek!

Prinses Sandy I

Prinses Sandy, dochter van Jean-Marie Meuris en Lisette Reynaers ès de fier mama van Jarne en Liana Dirix en partner van Berregtapper Dennis Schetters. Sandy wèrrek as Market-specialiste bij Scania en verköp ooch gaere juweelkes van Victoria. De Smèermaozer prinsessestraot lik wir op de Oude Heirbaan!

Jeugprinses Naomi I

Jeugprinses Naomi I ès de dochter van Dennis Eurlings en Mieke Molenbroeck en de allerleefste zus van Amelie en Alizee. Naomi ès de kleindochter van Norbert Eurlings en Marie-Louise Engelen en van Robert Molenbroeck en Thérèse Roumans. De jeugprinses ès 12 jaor en zit op het 1ste mid-



delbaar van het Pyxiscollege ien Laoneke. Naomi ès hiel sportief as voetbalster bij de zwart-witte van Fortuna '56 Smèermaos! Ouch ès ze eder waek te vinde bij 'r vriendinne van Chiro Meilach. Karneval vere haet de jeugprinses mèt de papepel binn-



negekrege. Mama en papa zien allebei bij KV 'Van alles get'! De prinsesse wille gaere dat alle minse van Groet-Laoneke op vèten deensdeg massaal nao Smèermaos aofzakke, want dan brandt dao de laamp! Vanaaf 14.33 oor trèk vur de 50ste kier de stoet door de straote, mèt aanslènd het groet vastelaovendsbal ien de zaol! Aan de ienwoeners van Smèermaos kleenk e verzeuk: "Verseer uch hoezer sjoen mèt de karnevalsdag en zeker op karnevalsdéensdeg!" Sandy en Naomi weense uch allemaol ene geweldege vastelaovend!

Programma karneval in Smèermaos

Vriedeg 17 fibrewarie
13:11 • Kinderoptocht en Sjaolkarneval i.s.m. BS 'Aan de Basis'
19:11 • Machseuverdrach
Zaoterdeg 18 fibrewarie
14:11 • Kinderkarneval mèt optreijes en kinderanimatie
Deensdeg 21 fibrewarie
14:33 • 50e CARNAVALS-STOET en aanslènd 'Groet Vastelaovendsbal'
Alle activiteite goon door in Zaal 'Jeugdparc'!

Elektro FREBO



Belmans Erik
Boudewijnlaan 26
3630 Maasmechelen

frebo@telenet.be

0032-475-611985



Molenweideplein 60
3620 LANAKEN



■ Alle werken in graniet, marmer, arduin, composiet, kalksteen
■ Trappen, keuken- & badkamertabletten, tafels, vensterdorpels, brievenbussen, enz.

BOVA NATUURSTEEN BVBA

Industrieweg 110, 3620 Lanaken
T 089/77 33 03
F 089/73 33 04
info@natuursteen-bova.be
www.natuursteen-bova.be





HET BELANG VAN LAONEKE



Pries: 21 FR en vanaaf asgoonsdeg 20 FR • Jus 33 jaor geleije - anno 1990

Preens Marcel I

Ien 1990 waar het de beurt aan Marcel den Ierste, (Keulen) as 17de Preens van het Hekseriek Laoneke. Boe Marcel versjeen op e fieske, dao steeg den ambiance en tegelijk ouch het draankverbruuk. Marcel waar ene straffe kaerel! Nouw en daan zaogste 'm wel ins bloze um aan te gaeve: 'Iech zit voll' Dat waar zeker gein signaal van euvergave. Marcel ès de zoon van Keulen Toine, Marie-Thérèse Paulussen en het broor van Gerald. Marcel ès al van joonksafaan wèrreksaam ien het sjappersbedrijf Keulen. Vloerlègge en sjappe, dat ès zene stiel. Bij zen oetroping tot preens waar Marcel voetballer bij de Veterane van den LVV. Op het plein waar Marcel e paerd of ene bulldozer. Van 't begeen van de match tot op 't eind doorploogde Marcel het voetbalterrein. Aal wèh of wat 'r tege kaom, mós t'raan ge-



luive. Afgave? Dat stoont nit ien zenen agenda. Marcel waar den ierste preens mèt e preenseleedje: "Dao steit h'r, Marcel den Ierste ózze nuije Preens!", ene cover van 'Daar gaat ze!' van Clousseau. Mèt dat leedje haet 'r de Laoneker karneval het fenomeen van 't preenseleedje mètgegaeve. Marcel? Dat ès nit zoemer eine oet e dozijn.

Kleioorlog ien Laoneke

Zitte ver mèt ene kleioorlog tösse Laoneke en de umliggende gemeintes? Goon de steinfabrikke hun bedrijf mótte slete bij gebrek aan de grondstof liem? Jóng boere zien hónderde hectare laandbouwgrond tege woekerprijs aan hun naas verbij goon. De Greune klage dat groete stökke natuurgebied nao de haje goon. Vurluipgeit 't nog euver e regionaal brendje. De Vlaamse menisters mótte oet hunne weenterslaop gehaold en verantwoordelekheid numme! Aanleijing? De Börgemeister en Sjepene van Laoneke wille het gewestplan wijzige um landbouwgrond ope te stèlle vun liemóntgining. "Kin nit!", zaet de Boereboond, gesteund door de milieumanne. Alex Vanonsgeld probeert te zalve. De bekinde steinfabrikke oet de buurt (Ne-



lissen, Vandersanden en Heylen) zien hun touwkóms gehypothekeerd umdat er te wieneg zones zien voor liemóntgining. Dreig daodoor hun economische bedrievegeheid stil te valle mèt werkeloosheid vur wel 100 minse? Oeteindelek ès het allemaol good gekómme. Langs het Albertkanaal, tegeneuver Sappi, ès de lèste jaore fleenk klei aafgrave. Vurluipgeinen oorlog ien Laoneke... wel e paor doezend kilometer wijer, nit vur de klei, meh vur gaas en mezout. Mótte ze dao messjien ouch joker Alex goon ienzètte.

Roej duvels

Ver hóbbe óndertösse alwir e (kort) waereldkampioensjap voetbal achter de rök. Ien 1990 waar het voetbalfestijn ien Italië. Dus gein gezeik euver bouwperikele of de temperatuur. Alhoewel het dao ouch good werrem waar. Belsj waar wir present en zaot ien den ierste ronde te voetballe tege Zuid-Korea (2-0 wins), Uruguay en Spanje (1-0 verrees). Sensationeel waar de 3-1 euverwinning tegen Uruguay. Zellefs mèt tien maan, nao een roej kaart van Eric Gerets, wónne ver douw nog van echte voetbalnaties. De gaole kaome van Clijsters, Scifo en Ceulemans. Ien de volgende



ronde waar het te doen tege de Englenders. De platte David sjoet op het einde van dei match den druim van de Belzje supporter aan gruzelemeente, al hawwe de Belzje kaanse genóg vur te winne. Mót 't nog gezag dat Duitslaand waereldkampioen woort? Kin mech iemes effe vertèlle wi het dit jaor verloupe ès? Op e waereldkampioensjap voetbal zónder alcohol wètste op veurhaand dat de Belzje en de Pruse gaw thoes zien.

Het onstel van SNEPPEKE

Iech weit het, dat ès um probleem vraoge as twie iengeheerde bösse tegeliektied vanaaf de kathedraal van de Maaskaant op oetstap goon. De 65-plussers van Groet-Laoneke trokke nao Kleine- Brogel vur het Provinciaal Keersontbijt. De KAV haw de zwaake Belzje Frang vur einen daog aafgezwore en ienge-ruid vur deur Marke um zich ins good te laote goon op de Keersmerret van Keule. As de bösse zich op waeg gezat hóbbe nao hun oeteindelek doel, bleke twie gepensioneerde op de bös nao Keule te zitte? Niks gemèrrek? Och, messjien toch wel: de gepensioneerde weure precies mèt den daog jóngere en nog er-reger... ze maoke versjrikkelek vööl leweid. Gehinderd door den dikke mis, motraegen en

file door "Baustelle", vroeg de chauffeur van de bös nao Köle nao twie oor taffele het woord en vroeg as de Keersmerret van Aoke, deze kier, ouch as alternatief kós dene vur deij van Köle. Binne twie ore zouwe ze nog nit aan de Kölner Apfeltorte mit Sahne zitte. Applaus van oet alle rije van de bös, behalve op baank 13. Dao bleef het stil! Deij keke alsof ze 't ien Köle huurde dóndere... Niks aan te doen, dan mer roondsjeze op de Keersmerret, wel mèt pienleke consequenties. De portemonnee deende good ien de sacche te blieve. Niks te schnapse, torte... Ouch vur Keersienkoupe waar 'r gein gèld. En zègge dat ze ien Brogel, vur aamper 25 Frang, den hielen daog as God ien Fraankrek hawwe kinne laeve mèt koffie, vlaai, pistolekes. Dao kin zoe e steumpke vöölste deure Curryweurs mit Zwiebeln, nit tegenop.

KRC Gink wir bij de groete



KRC Gink steit volgend seizoen '90-'91 wir bij de groete luij van de Belzje voetbalwaereld. Dat ès allemaol nit zónder slaog of stoet verloupe. Ein jaor nao de degradaasie en twie jaor nao de fusie ès Gink as winnaar oet den eindronde van de tweede klas gekómme. Ien de lèste wedstrijd van de eindronde tege Zwarte Lieuw, waar het t'rop of t'rónder. De thoesploog, Riekervorsel, haw de bèsste pepirre en

ene gewoene bóf waar genóg. Gink pakte venaaf menuut ein de Antwerpse Lieuwe bij hun maone, mèt as resultaat: 2-7 wins. De promotie waar e feit. De fiesvreugde waar bekans van hiel korte door. De Ginker supporters ginge get te enthousiast tekier tege de umheijing van het klein verslete stadion en de umheining ging tege de vlaokte. Zeve supporters deende mèt verwónninge gehospitaliseerd. E nuij Heizeldrama waar mer nip vermeije. Och, dezellefde avond zulle nog wel supporters ien de kliniek terecht gekómme zien mèt e fies-dilerium. Proficiat Gink! Ver kiekie wir oet nao de jaarlekse stammenoorlog tege de Kenaries oet St.-Truije en de topaffiches tegen Anderlech en Standaard Luik.



Hiel effe zónder keuning

Wat ès ós laand zónder keuning? Een eike zónder zaajt?

Ien 1990 haet Belsj het toch enen daog zónder Boudewijn mótte stèlle. Waar Boudi vur 'nen daog nao Tomorrowland of den Efteling? Zien 'r nen daog gein belastingbreve ien de bös geduijd? 'Nein, zoe er-reg waar het ouch wir nit! Al-lein de Belzje vlag wapperde nit aan het Pelies ien Brussel. Begriepelik: Ver hawwe geine keuning! Boudewijn den Ierste goof aan, dat 'r umwille van gewetesprobleme euver de abortuswet, nit kós regere.



te vinde. Het bieske kroog de naam: "Tijdelijk ien de ónmäogelekheid zien vur te regere". Ien minsetaal? 'nen daog geine keuning, meh 'ne regent. Messjien ouch touwpasbaar vur bestuursperikele ien de lokale veugelkesboond.

Vur den deepchristeleke Boudewijn ene stap te wied. Zeker ouch umdat zen huwelek mèt Fabiola nit gewild kinderloos gebleve waar. Ien Belsj mót een nuij wèt, nao eindeloos gepalaver ien het parlemeent, door de Keuning bekrachteg waere mèt een haandteikening. Keuningskwesie versie 2 stoont 'raan te kómme. Het kruim van politicologe haet fleenk mótte grabbele ien de goocheldoes um vur dit probleem een oplossing

KOUP LOKAAL



Den Italiaanse supertenor Luciano Pavarotti kaom ien september nao Laoneke. Vur een optreije op het bal van de börrege-meister of de Sparrefieste? Nein, Lukske vur de vrund, kin zen interesse vur paerd nit ónder steul of benk staekte.

De vraag van ein miljoen: geit 'r nao Otte vur ene lekkere maalse paerdsbufstök as steun aan de lokale óndernummers of trèk 'r nao de stoeterij Zangersheide van Laoneke um e gaans exemplaar, mèt kop en pu, op de kop te tikke? Her kaom spietge genóg nit bij Jef Otte terech. Luciano wilt bij Leon oet Neerhare e sprinpaerd koupe um mèt te doen aan de Olympische spele van Barcelona ien 1992. Keump 'r daoveur speciaal oet Milaan nao Laoneke gevloge? Ze bezeuk aan de stoeterij vilt saome mèt een optreije ien het Sportpalies van Antwerpe. Bij Melchior zit 'r good vur kwaliteit! Pas op, bij Jef ouch! Vur de cent mót 'r het nit laote. Het optreije bij de Sinjore ès zoe good as oetverkoch, allein nog get onbenóllige plaatskes ien een heukske aan 5000 fr. het stök zien nog vrij.

tuincentrum Miermans
Doodstraat 109 • B-3690 Zutendaal
t 089 61 17 81 • info@tuincentrummiermans.be

**Bloemisterij
Tuinonderhoud
Tuincentrum
Dieren-
benodigdheden**

Openingsuren: di. t.a.m. za.: 09u.00 - 18u.00
zo.: 09u.00 - 16u.00 • Maandag gesloten

VIPclean
089-77.55.13
MAASMECHELEN
REINIGING NA BRAND

GROEP Christoffels
BEWAKERS VAN GELUK
verzekeringen en vastgoed
Bessemersstr. 454, 3620 Lanaken
Tel. +32 (0)89 73 03 00
www.groepchristoffels.be
info@groepchristoffels.be

papillon
uitvaartzorg
Rijksweg 558 te Maasmechelen
24/7 bereikbaar op 089/258 288

Eve veurstelle: de gastspraeker op de veurstelling van ós Bèssemgezèt

Wèh ès Jos Laandmeter(s)?

Oet de Bèssemgezèt van verleije jaor

Jos Laandmeter(s) ès goeverneur van de provinsie Belsj Limburg. Leentjes doorknippe, het Limburgs Volksleed zinge, en aaf en touw ins aan e glaoske sjoemwien nippe, zien zoe get z'n veurnaamste bezighede.

Euver óze goeverneur Laandmeter(s) versje-ne verleije jaor hiel get artikels ien de gezèt. Um Jos baeter te liere kinne, drökke ver die artikels gaere vur uch aaf.

Goeverneur Jos Laandmeter(s) oetgerope tot besjermhier van de Limburgse dialekte

Ederein Genkt^(*)

(*) Ginks dialekt. Vrij vertaald: Sjang (of Jos) aan de geng



Trök nao sjaol.

Lantmeeters of Laandmeter?

Óze goeverneur Jos Lantmeeters kin daan wel tot besjermhier van het Limburgs dialekt zien oetgerope ... meh slimste mins van Limburg zal 'r noets weure. H'r kin z'ne eige femiliennaam nog nit ins tegooj sjrieve. Het mótt zien "Laandmeter" met twee A's, met een 'D' ien plaats van een 'T' en zónder 'S'. Eine laandmeter ès al deur genóg ... v'r mótte 'n klein bitje op ós cente lette.

Oet het Belang van Limburg

Fotograaf oet Laoneke gief bekinde koppe 'ne snor: "um te zègge dat alles good keump!"



Ien z'ne ateljee aan de Staosiestraat toende fotograaf Piet Paulisse een reeks portrètten van bekinde minse met 'nen (ien fotosjop) opgeplekte snor. Het waor zijn meneer um te zègge dat nao de coronacrisis en den oorlog ien Oekraïne, alles wir good keump. Bij elke foto stóon dezelfde teks: "Het zit wel snor. Het keump good".

Oet de Gezèt van Antwèrrepe

Keump 'r eder jaor e Hallowien-fieske ien Laoneke?

Ope VLD wil zoe gaere 'n Hallowien-fieske ...



Ope VLD wil gaere eder jaor e Hallowienfieske organiseren ien Laoneke. Goeverneur Jos Laandmeter stook dao e stekske veur. Um de zès jaor de luij met hunne verkezingsoetslaog de stupe op het lief jage vón 'r al mie as genóg.

Jus op tied

Ne maan van 85 jaor ès hiel kraank en haet niemie lang te lève. H'r sliep aanhawend en op e good memeent van wakker zien, ruuk h'r dat ien de keuke lekker gepotterd ès. De reuk van zèllege-maakte vanillecake ... ! Dao zouw h'r bès nog wel gaere e stökske van löste. H'r reup op zen vrouw meh krijg gein gehuur. Dan mer op waeg nao de keuke, al sukkelend. H'r wilt zich jus bedene en zichzelf verwinne mèt mesjien wel ze lèste spieke cake. Op dat memeent weurt h'r aanmanend op de rök getik. "Aaf-blieve!" zaet zen vrouw. "Van deh cake zulste aafblieve, deh ès pas vur nao den begrafenis!"

Keunsposter 2023

Dit jaor maog Ruud Geurts terech fier zien mèt ze karnevals-sjilderij midde ien de gezèt. Ruud dat hōbste hiel good gedoon, ver kieke 'r al nao oet um de sjilderij ien gaans Laoneke aan de vinster te zien hange. Ruud haet artistiek talènt, de géne hōbbe good hun wèrrek gedoon. Pa Achiel ès vörremgaever van de Bèssemgezèt en ma Jètsje móg ouch al e paor kiere mèt h'r keunswèrrek ien de gezèt proonke. Vur vollegend jaor zitte ver door de veurraad van genomineerde



Het karnevalssjilderij van Ruud.

wèrreke. Mesjien ès het tied vur ins een sjoen kindertekening. Interesse ... Sjeng aan de geng en laot kómme!

bessemgezèt@telenet.be

Factörkesleijd

Christian, dow nog facteur, ging nao of tijes zenen deens e käärtje lègge bij Hem. Plots sprink h'r rech, begint te chamfoetere en sjriewt: "D'r ès eine

dèh vaals spaelt!" "Boemèt?" zaet z'ne kammeraad. Christian: „Dao-jus zaot den harten aos nog ein men kous en nouw niemie!“

Nit te rap

Denis Geurts ès mèt ze sjattig vrujke Carine, op oetstap ien zenne hippe oldtimer. Denis ès zich dan altied serieus aan het sjangenere umdat den otto zoe laankzem optrèk en vuroet geit. Deze waek waor h'r ien de garaasj gewaes um dao ins get aan te laote doen. Bij de ierste tèsrit duijt h'r ins good op de gaas en reup: "Miljaar, super! Iech deenk dat ze ien de garaasj een gaanse manège paerd bijgezat hōbbe!" De snelheidsbepèrking, trajectcontról en Marino kinne h'm vandaag de pot op. H'r duijt nog ins good op de peen gaas en zaet al grommelend tege Carine, "Dedju, iech hōb men portefeuille thoos vergaete!" H'r guut het stuur um, rijdt euver de volle witte lijn en retour à la maison. "Denis!" reageert Carine. "Jao jao, Carine iech weit 't wel: Iech maog nit zoe hael rije, nit euver de volle witte lijn goon, op dees plek den otto dreije..." zaet Denis. "Och" zaet Carine, "trèk het dich nit aan, gein probleem, de polies achter ós deit jus hetzelfde".



De Paus van Laoneke

De Paus van Laoneke läöt aan alle Laoneker geluivege minse (en karnevaliste) weite dat mèt de karneval van 2023 alles good keump. Ien 2021 raegende het piepestele, begeleid door weend en stórrem: geine stoet! Ien 2022 mochte de minse aamper de straat op mèt de karnevalsdag, tenzij ónder politiebegeleiding. Ger wèt nog wel, e klein bieske en geine stoet! Vur dit jaor geit Paus Johan Vossen het zich ins aantèkke! "Iech beij ederen daog twee rozenhoedsjes vur fantastische karnevalsdag mèt hiel sjoen waer. Dit jaor maog het nit misgoon!" Iech hōb mech den tilfoonnummer van Paus Johan genoteerd. As deij hiel ceremonie dit jaor lōk, maog her mech, as 'r ins tied haet en tege gepaste vergeujing, een eurke beije vur 6 juste nummerkes op de Lotto. Vur ónderein...



Op de foto: Paus Johan Vossen en mèsdener Michael Welkenhuyzen. Dao woort bij het maoke van de foto precies raegen verwach. Michaël haet de plestieke tuut op de kop.

Ónderbrook vreuger en nouw



33 jaor geleije kóste met 'n ónderbrook 'nen hiele fits pótse. Mèt de ónderbreuk van vandaag nog mer zjus 'n fitsbel.

DE ROEJE JAAK

Zuster Fidelia, zaet uch dat nog get? Miech wel, iech hōb erbij ien de klas hiel vāöl op de kneje mótte zitte. Waor iech daan zoe ene rael, of haw deij tang het op miech gemeunt? Gelökkeg waor iech deij meserie al bekans vergaete, tot Jeng van Lowis mèt een oetnudeging aafkaom vur ne klasreunie. De bedoeling? Ins lekker saome kómme mèt ederein deh ien deij klas gezaete haw, aste nog nit hiemele bès tenminste. "Thei van Maria en Louis van de Wuiles, kómme ouch." Zach h'r en dow kós iech nit anders as mech ien te sjrieve. Iech mòt zègge, iech hōb hiel get

kammeraode van vreuger terök gezeen. Bert de Kemies, Cor de tappeseerder, Jean den pillereijer en jao, ouch dèh van Bèr de fitsemaeker. Dat Mon oets verkespie ès gewaes, dan wis iech al van Charel de koolmarsjang. Mon woent ien Wèzent, dus dan kint dat nit misse. En dan waor 'r ouch nog eine van Lekker Sjiete en eine van de Roej Mia. Dao waore v'r e bitsje bang vaan. Jozef woort sjrienewèrreker en den dikke Lou, ès sjenderrem gewore en dao bin iech altied wiet venaaf gebleve, um de frustaoties oet de klas van Fidelia nit opnieuj op te raochele.

E paor van dei gaste van vreuger, bin iech noets mie tegegekómme of hōb ze zónder herkinning genegeerd. Gira van Triene de slaaijgreet, ès ze hiel laeve lomlepie gewaes en Tuur van de meester, waor sjoonwikser. En nauw vraog gèr uch aaf wat iech vur de kós gedoon hōb? Iech bin sjieresliep gewore en tot me pensioen roepend door de straote getrokke: "Sjiersliep!" Zuster Fidelia, ... wèh haw oets gedach dat iech laoter nog oets euver dei koeij nón get ging vertèlle. Dat ès 50 jaor – wat zèk iech – 63 jaor geleije! Wel nit vergaete!



En wat hōbbe v'r vandaag gelierd?

8

ARGENTA
ROUSSET - SCHOUTEDEN BVBA

LANAKEN Europaplein 39 | ☎ 089-71 85 80
<http://lanaken.argenta.be>

OND.NR. 0472621810 FSMA 45962

de Jonge
Houthandel
Bouwmaterialen
DOE-HET-ZELF

Staatsbaan 78, 3620 Neerharen-Lanaken
Tel: 089/71.44.79 • Fax: 089/71.27.51
email: dejonge@dejongehoutenbouw.net
www.dejongehoutenbouw.be

electro Stylman
lanaken Exellent

Stationsstraat 95 • Tel. 089 71 46 45 • www.electrostylman.be

Ver weense ug 'ne gooje karneval!

Bart's
BARTZTATTOOSTUDIO
TATTOO & PIERCING
0479777196

Thibeau I en Sofie I opene Laoneker karneval



**JEUGPRENS
THIBEAU I
EN JEUGPRINSES
SOFIE I
WEENSE UCH
'NE HIELE GOOIE
KARNEVAL**

Jeugprinses Sofie I

Ze ès ien Laoneke gekind as Sofie Nickmans, dochter van Bart (superenthousiaste karnevalier en raadslid) en Liesbeth Mariën. Ze zit ien het zèsde lierjaar bij juf Jill, ien den Ingelsen hoof. Sofie haet 2 awwer zusters en woort al van kleinsaf gezeen as een towkómstege jeugprinses. Al vreug haw ze zellef ene scepter ineingestaof en ging ze oet de baol as karnevalsmeziek gedreijd woort. Sofie weurt 12 jaor op den daog

van de machseuverdrach. Van een ech karnevalskeend gesproke! Sofie ès e bezeg bijke. H'r hobby's zien hiphop-daanse en jazz dance art media. Ouch ès ze vreug polletiek betrokke as lid van de kindergemeinteraod. Mama en papa waore al e tiedje op de huugte dat Sofie de nuij preenses zouw weure. Door de Corona haet ze enen hiel langen tied de lippe opein mótte hawe um niks te verklappe. Een

hiel bepreuving. Weij dan oet-eindelek het kestuumpe gepas woort, stinne ienins oma en opa Maaseik aan de vinster te kiekke. Wir een oetdaging debij um het alsnog stil te hawe. Sofie weens alle karnevaliste en zeker de kinder spetterende karnevalsdaag!

Jeugpreens Thibeau I

Jeugpreens Thibeau ès 11 jaor, zit bij meester Filip ien 6B van de Jan Rosiersjaol en haet e broor, Juno. H'r ès de zoon van Heeren Carlo, Carmen Roor en kleinzoon van Etienne Roor, vurmao-leg raadslid en gangmaoker van de Laoneker Karneval. H'r haet het dus nit van 'ne vraemde. Ouch Thibeau haet hiel lang mótte zwiege um het groet nuijts aan de waereld bekind te maoge

maoke. Ien de strijd tege z'n krenkte wouw opa Etienne 'm absoluut ien ze preensekestuumpe gezeen höbbe. Nit evident door Corona. Oeteindelek ès het toch nog gelök, Ederein ès blij, trots en dankbaar dat het nog gelök ès. Thibeau ès ouch voetballer bij Belisia Bilze en ouch ien de zaalvoetbal löp 'r zich de ziel oet het lief. Dat zal nouw wel e tiedje op de twiede plaats kómme. Al ien de kleutertied wouw Thibeau jeugpreens waere, dat läöt her zien op de foto, mèt zene zellef-gemaakte scepter. As de juf op sjaol vreuger vroeg wat 'r gaere wouw, dan mós 'r nit lang naodeenke en weerkloont: "Preens weure. 'ne Sjitterende vastelaovend!", weens uch Thibeau den Ierste!



KINDERSTOET
vriedeg 17 fibrewari um 13.00 oor
met heksoplating aan het gemeentehoes



Keunswèrrekskes Jan Rosier - 3c Juf Jeannie



De klas 4 E van meester Florian (In de Engelse Hof)



De klas 4 G van juf Miek (In de Engelse Hof)



De klas 4 A van juf Martine (Jan Rosier)



De klas 4 B van juf Brenda (Jan Rosier)



De vrun oet de klas van Thibeau, 6de lierjaar meester Filip (Jan Rosier) vinne het geweldeg dat de jeugpreens ien hun klas zit.

En
wat höbbe
v'r vandaag
gelierd?

9

ALL ROUND TECHNIKER
PIETER CLEUREN

INDUSTRIEEL ONDERHOUD
Mopertingenstraat 27 • 3740 BILZEN
0032 476 60 33 94
All.tech@telenet.be

Wines & Bites
by Tom Coun, The Flying Sommelier

Tel. +32 (0) 498 51 45 31
info@winesandbites.be • www.winesandbites.be
Molenweideplein 98 bus 2 • 3620 Lanaken

OSET
CAR SERVICE

Steenselbergweg 20 | 3620 Lanaken
Tel. 089 71 21 08
info@osetnv.be • www.osetnv.be

Wij doen alles voor uw auto

BOSCH
Service
Car Service

alsan
J.BASTIAENS BILZEN

Tongersestraat 80 - Bilzen www.bastiaens.be

Verwarming - Sanitair - Ventilatie



Klas 2 Wijkschool, juf Marida met hun karnevalskeunswèrreke



Klas 5 A Jan Rosier van juf Sophie Vaccaro



E paar sjoen karnevalsposters



Klas 2de Wijk van juf Marida

Songteks Jan Rosier

Vanaovend ès 't karneval, Goon vaer lekker oet de bol
Ze daanse van roed gael greun
Preense en prinsesse komme saome vur de stoet

Ze zien dao, Ze zien groet, Ze zien good, Ze zien sjoen
Jongens meidskes kiek mer heij, Heij steit de Jan Rosier

Ze zien dao, Ze zien groet, Ze zien good, Ze zien sjoen
Jongens meidskes kom now heij, En daans mer mèt ós mèt

Eejo Eejo - Lala Lala Lalala -Eejo Eejo
Jongens meidskes doeg mer mèt, Eejo Eejo -Eejo Eejo

Vèr wille nouw nit stoppe want, Ós hart lik bij het preensepaor
Ze daanse van roed gael greun.



Peuters en 1ste kleuterklasje In de Engelse Hof



2de kleuterklas van juf Arlette en juf Sabine, In de Engelse Hof



3de kleuterklas van juf Ilse en juf Veerle (In de Engelse Hof) kieke vol bewondering op nao jeugprinses Sofie I



4de lierjaar A, Jan Rosier juf Martine



Proosten met gaele limmenaad op 'ne goje karneval.

€2,00 €2,00 €2,00 €2,00

't Groene Woud

Gratis

Drankenkaart
11 stuks
€ 20,00

€2,00 €2,00 €2,00 €2,00

DRANKEN

Willems

Heuvelstraat • Lanaken • 089-71 41 76

Break Time

Hier staat de tijd even stil om te genieten van een lekker broodje, drankje en ijsje.

Marijke & Wilfried
Stationsstraat 91 • 3620 Lanaken
+32 89 23 20 68
info@breaktime-lanaken.be

EUROBAND PATRICK

089/71 66 07
LANAKEN

Specialist in banden
velgen voor de auto, 4x4,
motorfiets en bestelwagens

Koning Albertlaan 62 (ingang via Putstraat), 3620 Lanaken
Tel.: 089 71 66 07 - Fax: 089 73 15 12
www.eurobandpatrick.be • info@eurobandpatrick.be

garage Lambrigts

Onderhoud
en herstellingen van
alle merken



't Laoneker laesplenkske - van A tot Z



ALLESBRANNER



BAANK



CRISIS



DRUIME



ENERZJIE



FLUITE



GAASBOETE



HELLEP



INVESTERE



JOEKELS



KOEP



LAARZE




MOULEJAAN



NUIJSJIERIG



OPERATIE



PENSIOEN



QUAGGA



RAEKEL



SJAOL



TENKE



UILSKUK



VIVIANE



WIT BEER



XAVIER



YACH



ZONNEPANIELE



Etienne Roos ès vurreg jaor euvrlede. H'r waor ne fervèn-te karnevalis en aajd-lid van de Raod. Wat waor h'r blij dat Thibeau, zene kleinzoon, oetverkoze waor as Jeugpreens van Laoneke. Allein begós de zeekte de gezoondheid van Etienne fèrrem te óndermijne. Dow duudelek waor dat de oetroping tot jeugpreens van Thibeau, eind oktober, nit gehaold gin waere haw h'r mer eine weens. Mèt Thibeau ien ze preense-kestuum op de foto goon en dat ès ouch nog gelök. Wat waor h'r fier dat nog te maoge belaeve.



E FIESKE!

door BSGO Ien de Ingelse Hof Laoneke
Fäaschtbänkler - Helene

E fieske, oh-oh-oh, e fieske, e fieske.

Ien de Ingelse Hof hōbbe vèr lang gewach.
Zègge nouw hiel blij prinses Sofie ès heij.
Maok uch allemaol klaor, veur 't fieske van 't jaor.
Doeg mer mèt ós mèt.

E fieske, oh-oh-oh.
Goei die hendjes ien de loch, oh-oh-oh.
Drej nouw allemaol ien't roond, oh-oh-oh.
Met ós Sofieke, e fieske!

Springe op en neer, maoke vāōl plezeer.
Zinge, lache, daanse, goon nog nit nao hoes.
E fieske, oh-oh-oh. E fieske, e fieske.

Met ós pekske aan, blieve vèr nit stoon.
Allemaol sjoen verkleid veur de kinderstoet.
Vèr zien fantastisch. Vèr zien bombastisch.
Loup mer met ós mèt.



Thibeau I en Sofie I laote zich ins good goon mèt Fabrizio ien de freeplay-spielhal ien Laoneke.

De woerheid of nit

- Vrouluij zouwe zoe deur mót-te zien dat de manne zich gein twiede kóste veroorlouve!
- De sterrekste krach ien miech ès 's mōrreges m'n blaos!
- Vrouluij? Jao, dao zien bae-tere, meh deij zien nog deur-der!
- Statistieke wieze oet dat de minse gemiddeld 89 kier per maond seks hōbbe. Het geit vur miech dus enen drōkke maond december zien.
- Dao zien zoe van deij me-meente dat iech men vrouw tegespraek oet vervaeling!
- As men vrouw ès goon shoppe ien soldetied vertèlt ze mech altied weijvāōl dat ze bespaard haet. Noets wat het wel alle-maol gekos haet.

Ierlek

E paor daog laoter vreug Merie as Jos ouch ien den tied vur hāōr, mèt aander meitskes geslaope haet. "Gein ein! Bij deij aan-dere hōb iech zeker nit geslaope, ver hawwe aander dinger te doen!"

En wat hōbbe v'r vondaag gelierd?

11



**BNP PARIBAS
FORTIS**


Lanaken – Riemst – Rekem

VER VERKOUPE BEER EN WAOTER, MEH WAAL GEINE KAOTER.

Thijssen-Vanspauwen

GROOTHANDEL IN BIEREN EN WATERS

Langstraat 1, 3741 Waltwilder, tel.: 089 41 37 78



PASCAL MACHELESEN

HEKWERK INSTALLATIE
Bosstraat 24 • 3620 Lanaken (B)
GSM +32 (0)476 82 82 44
pascal.machelesen@telenet.be



Sponsors

- Frituur Marlita, Henri Dunantstraat 98
- Frituur Sint-Servaes, Postweg 14
- Garage Anfra b.v.b.a., Europark 68
- Groothandel Koffie Jovado bvba, Industrieweg 22
- Haarmode Mildred, Azaleastraat 24, Neerharen
- Hair Affair - Kapsalon, Bessemerstraat 309
- Hairstyling Cocky, Maastrichterweg 25
- Hans Anders Lanaken, Stationsstraat 25
 - Horrix, Industrieweg 16
- Hoste stoffering en slaapcomfort, 0486 823377
- Ilzerwaren Bollen - Van Den Broek, Bessemerstr. 1
- Immo Confideo, Vrijthof 7, Tongeren
 - Intersport, Nijverheidslaan 156
 - Kantoor Engelen Kuipers, Keelhoffstr. 20 b1 Neerharen
- Kapsalon Gerits Silvie, Heuvelstraat 61
- Kapsalon Hair Fashion, Eikelenweg 98
 - Kapsalon Jacky, Winkelstraat 7
 - Kapsalon Peeters Coiffure, Stationsstr. 46 - Gal. Da Vinci
 - Kapsalon Sandra's Hairstyling, Pannestraat 214
- Karmen Kachels, Wolfstraat 3
- Kinesist Goffin Gert, Gasthuisstraat 27
- Kinesist Souverijns, Houterstraat 49, Gellik
- Kinesist Vaes Johan, Molenweideplein 1
- Kinesitherapeut - Van Gelder Danielle, Druivenstraat 13
- Laura's Leeshoekje, Stationsstraat 26
 - Maison Deux, Steenweg 2
- Marsil NV, Industrieweg 7, Industriezone 4 202
 - Marybelle, Stationsstraat 65 bus 1
 - Metaalverwerking Euro Metal Coat n.v., Europark 70
 - Mimi Baby, Stationsstraat 32
 - Natuursteen Mesotten n.v., Europark 5
 - Olivier Creemers, Oude Kerkstraat 3a bus 6, Dilsen-Stokkem
- Onder de Toren, Rekemerstraat 6, Rekem
 - Optiek Caenen, Stationsstraat 29 - Bus 2 - Pass. Begas
 - Optiek Van Tilborg "OPTICA", Stationsstraat 87
 - Pannehof Café, Steegstraat 16
- Papierhandel Begas, Stationsstraat 36
 - Panos, Stationsstraat 24 A
 - Pearle Opticiens, Stationsstraat 24
 - Prof-fun , Boeketstraat 9
- Reclamebureau Liro, Kiezelweg 54 Briegden
- Reisagentschap White Sun, Stationsstraat 44
 - Rijschool Wirix, Kerkplein 28
- Rubberfabriek Hercorub n.v., Industrieweg 72
- Slagerij Coenegrachts, Stationsstraat 10
 - Slagerij Leen, Postweg 38
- Sportcentrum Fitness Traffic, Kerkplein 4
- Standaard Boekhandel, Stationsstraat 18
 - 't Smulheukske, Bessemerstraat 8
 - Tandarts Geelen, Eikelenweg 78
- Tandarts Vaes Hilde, Stationsstraat 155 Bus 1
- Textiel Stico, Stationsstraat 58 - Gal. Rubens
- Uurwerken - Juwelen Caenen, Kerkplein 3
 - Vervoersonderneming Withofs n.v., Kiezelweg 44, Briegden
 - Verzekeringen Driessen & Thijs, Stationsstraat 159 Bus 1
 - Verzekeringen Marcel en Luc Caenen, Steenweg 150, Rekem
 - Volksapotheek S. Janssen, Kerkplein 9
 - www.exclusieve.be, Trossenhof 8



Ver zien quite

Twie koppelkes zien bezeg aan 'ne gezellege kaortaovend. Bob läöt zen kaorte op de groond valle en bij het opraope ónder taofel zuut 'r dat de vrouw van Dave, Gina, gein slipke dreug. Hr ès van z'n mëllek, häölt zich bij 't rechspringe 'n fleenke höts op de kop en liek effekes van de waereld. Get laoter trèk 'r de keuke ien vur beer... Gina geit achter 'm aan en zaet... "Iech haw dejus den iendrök daste, van waste jus gezeen höbs, raedelek opgewónde bès geraok. Bob kin nit anders dan jao knikke. Gina zaet: "vur 200 € beej iech dich e volledeg panorama!". Bob läöt onmiddellek zen interesse hure. "Kóm vriedegmiddeg um 14 oor nao thoes, dan ope iech de póppekas exclusief vur diech, Dave mó't dan wèrreke! Stip um twie oor steit Bob, mè't een brook vol gósting, vur de deur en de óntvangs van Gina maog 'r bès zien. Zwarte lingerie vol koeter op de juste plaatse. Bob läöt 'r gein graos euver greuje en betaalt de aafgesproke 200 €. Ze goon nao bove en de vollegende twie oor gaeve ze van jètje ien alle määgeleke en bekans onmäägeleke stendjes. Hèt ès tied vur zich oet de veuij te maoke. Um zès oor keump Dave thoes en vreug onmiddellek: "Ès Bob deze middeg heij gewaes?" Gina versjik van de vraag reageert: "Jao, mer hiel effekes!" "Haet 'r dech 200 € gegaeve?" "Jao!" zaet Gina, gaans zenuwech-teg vur de vraoge deij gewaes



zien en nog goon kómme. Zaet Dave," Prima, op Bob kinste raekene. Ne echte vreund! Deze mörrege zaog iech h'm op het

wèrrek en h'r vroeg miech 200 € te lien. Her zouw dat gèld deze middeg onmiddellek kómme trökbringe."



Goje poejer


Een köppelke lik 's mörreges ien béd en de vrouw vreug: "“Wilste gaere spek mè't eier, toas, koffie en e glaos fruitsap as óntbijt?” “Nein” zaet de maan. “Door de viagra höb iech ech geinen hónger!” ‘s Middeg vreug de vrouw: “Wilste nen tleur sop en e smoske mè't kies en sjeenk en ene lekkere muffin?” “Nein, ech nit” zaet de maan.” “Door de viagra höb iech nog altied geinen hónger!” ‘s Aoves vreug de vrouw: “Wilste ‘ne bufstök met frit, slaaj en e stökske appelevlaai mè't e bólke ies as dessert?” “Nein serieus”, zaet de man. “Door de viagra höb iech nog altied geinen honger.”. Zaet de vrouw: “Oké dan, wilste dan eindelek van mech aafgoon! Iech zeen sjael van den hónger!”

Gepluimp geliek e kuuke

'Ne vent geit het belastingskentoer binne en binne de 5 minute keump 'r poedelnaoks nao boete. Zene maot zuut 't allemaal gebäöre en vreug: “Wat ès 'r aan de haand?” “De belastinge!” zaet 'r, “Ze höbbe mech lètterlek en figuurlek oetgekleijd!” Verdorie, deenk zene maot, iech mó't 'r ouch zoe nao touw. Miech goon ze nit ligge höbbe en her deit zen kleijer oet en zwiert al-

les de voelbak ien. Her lóp spier-naoks het belastingskentoer binne en 5 minute laoter steit 'r op straot mè't ene bleenddoek vur de auge, ene stop ien z'n koont en e tuijke um zene leuter, mè't zellefs e sjoen strikske. “Wat höbbe ze toch mè't diech gedoon?” vreug zene maot. “Miljaar, miljaar... bij miech höbbe ze ouch nog de gaas, het waoter en het leech aafgeslote!

RUSSISCH MISTERIE



Hoe kómme die Russe toch mer aan die wienvlekke?

Poetin kin 'r nit mè't lache




“Gojemörge, mörge” het bekinde leedje van Nicole & Hugo ès momenteel raozend populair ien Oekraïne. De Oekraïense jeug deilt het zellefs massaal op Tik Tok. ‘Gojemörge’ liek op ‘n Russisch weurdje en beteikent (vrij vertaald): ‘Kös m’n kloete, kloete’, ‘Kös m’n kloete elken daog’. Prebeer het mer ins mè't te zinge en de zuls zien dat het erreg grappeg ès!

Slim

Zij: “Nein Frans, nouw nit! Iech gaon pas mè't manne nao béd naodat iech getroujd bin!” Fraenske “Oké, bel mech dan effekes aste getroujd bès!”

**SJOEN,
SJOENER,
SJOENST**



Joske zit op café en zit fleenke aan den Duvel. Nao eder glaos kiek 'r op zene gsm. De café-baas volleg van op aafstaand dat speктаokel. Zellefs nao de zevenden Duvel herhaolt zich dat tafereel wir. De cafébaas vreug vurwat 'r ederes kier nao 't bestèlle van enen Duvel zene gsm mó't bekieke. “Och,iech bekiek dan altied de foto van m’n vrouw. Iech weit, dat op het memeent dat iech häör e sjoen vrouwmins, e lekker sexy deenk en e leef mins begin te vinde... dan bin iech zaot en ès 't hoeg tied vur nao hoese te goon!

Nuije meunt vur KING SJAREL III



Dao ès e klein probleemke: ze weite nit hoe het keump, meh ze kinne de meunte nit opeinlegge.



ijsparadijs Lanaken

(vlakbij Zutendaal)
Molenbergstraat 1
3620 Lanaken
Gsm 0473 358 461

Openingsuren
ma gesloten
di-za 14u tot 22u
zo 13u tot 22u

www.hetijsparadijs.be

ijsparadijs Smeermaas

Ook broodjes!

Maaseikersteenweg 102
3620 Smeermaas
Tel/fax +32(0)89 76 66 56

Openingsuren
ma gesloten
di-zo 11u tot 22u



**ZAKENKANTOOR MARTENS
& RINO DE NOTARPIETRO**
VERZEKERINGEN • BELEGGINGEN

Kerkstraat 5 bus 2 • 3620 Gellik-Lanaken • Tel. 089 713914



Vijver- & Filtertechniek
Lucien Hoeven

www/lh-vijvertechnieken.be
info@lh-vijvertechnieken.be

0472 281 642 089 75 49 89



SHOWSUPPORT
+31 625 056 593





Good gezeen

Ene brandwaerman sleutelt op de kazerne aan de motor van een waaterpomp. Stillekes slup e meitske van zès jaor achter 'm door, mèt een bolderkaar, umgeboujd tot braandwaerwaogel, mèt lödder, braand-slange en aal. De kaar weurt getrokke door enen hoond en een kat. "Dag menier de braandwaerman" ès de begroeting. Her ès ónder den iendrók van wat 'r van een seempel bolderkaar gemaok ès. Her lóp ins

roond de kaar op inspectie. Den hoond ès mèt ene reem vur de kaar gespanne. De kat... zit aan de kaar vas mèt e tuijke roond de testikels van 't bieske. Euver dat lèste waor 'r nit zoe blij! "As iech diech get maog zègge, iech wil 'r mech nit mèt bemeuje, het zouw baeter zien as de kat ouch mèt e reempke of enen haalsbaand aan de kaar waor vasgemaok. Dan kin ze zellefs nog baeter de kaar trèkke. "Dat weit iech" zaet het meitske, "allein, dan hōb iech wel gein sirène mie!"

Nit kepot te kriege

Het waor erreg drók ien e klein hotelleke door een broelof. Eigelek op zich niks speciaals, tenzij dat de broedegóm 95 jaor waor en ze bruidsje aamper 23. De broedegóm zaog 'r nogal bleikskes en zwaok oet en de familie maakte zich zörrege, of her zoe e joonk deenk, straolend van laevesloch, ien béd wel zouw kinne vertaere. 's Mörreres krup, nit de broedegóm meh de broed, stepke per stepke den trap aaf. De trapleuning mót genóg haawvas gaeve um veileg ónder aan den trap te kómme, richting hotelweenkelke.

De verkuipster versjut van het tafereel wat ze zuut en vreug: "Mevrouw, wat ès dees nach toch mer mèt uch gebäörd? Ger zeet 'r oet asof ger deze nach mèt een krokodil gevech hōb?" Leunend op de toenbaank krijg het joonk dingske aamper mèt e trillende stummeke gezag: "Menen Leven Hier! Douw her mech e jaor vur den trouw zag dat 'r de lèste 75 jaor alles opgespaard haw, dach iech dat 'r het euver z'n cent haw..."

Blijf nit dore

Ien de appartemeente tegeneuver het gemeintehoes ès lès e nuij joonk köppelke kómme woene. De ierste nach ien hun nuij woening waor get loos. Volleges de bovebuur Rudi, dèh al get gewind ès, leek 't asof den hielen appartemeentsblok t'raan ging geluive nao e Russisch bómardemeent. Wat e gekreun, e gesjrieuw, het zaog er zellefs nao oet dat het béd door de plefón nao ónder ging dóndere. Teikes van e stórrem-echteg leefdeslaeve? Zellefs bij Rudi ginge de oere flappere.

De vijf vollegende nachte waor het ederes kier van datte. Rudi z'n vrouw deeg gein aug touw, Rudi ouch nit, meh her heel wel hiel good z'n oere ope. Ten einde raad en op dwingend verzeuk van z'n vrouw kroog Rudi het bevel um ins good mèt de bure te goon 'kalle'. "Ze zullen het get röstiger aan mótte doen, de appartemeente zien te gehureg." "Och dat keump ien orde!" zaet het vreuntelek buurvrijeke. "Venaaf volgend weekend ès het leweid zoewiezoe gedoon en weurt het hiel zeker stiller. Dan keump mene maan trók van een boetelandse reis!"

Sportvedette van het jaor



EFFE LACHE

Effe wachte

Jus vur ze ien slaop vilt, vreug Merie aan häöre maan Jos: "Höbste vur miech nog aandere vrowluj gehad? E tedsje weurt het stil, d'r volleg gein reactie. Vreug Merie: "Sliepste al?" "Nein", zaet Jos, "iech bin nog aan het tèle!"



Ne Belsj läöt zich nit kloete

Lès zaet einen Hollender: "De benzienepries? Das mèt deij toere van Poetin, echt d'reuver en bekans nemie te betale!" Zaet de Belsj: "Miech kloete ze nit, miech määk dat ech niks oet! Iech taank altijd mer vur twinteg euro!"

Prinses Belke

Bertie Moors keump bij Stefan ien de bibliotheek binne op zeuk nao het book "De maan, baas ien hoes". Stefan deenk effe nao en zaet: "Dan móste zien bij de sprookskesbeuk! Dat ès rechdoor ien de kinderaafdeling".

Onthaw ien uch laeve

- Met geld kinste gein gelök koupe!
- Het ès gewoen comfortabeler um te jenke ien ene Mercedes as op enen awwe fits.
- Vergaef al uch vijande, vergaet wel hunne naam nit!
- Beej hōllep aan ederein ien de probleme! Onthaw, ze goon wel wir vur de deur stoon as ze wir ien de zeik zitte.
- Hiel get minse zien allein nog ien laeve, umdat het nog altied nit legaal ès um ze kepot te sjete.
- Alcohol los gein probleme op. Zuug realistisch: mèllek ouch nit!

Het ès nit duudelek

Dao ès tegewoordeg niks mie duudelek al geit 't deks mer um de klein dinger. Zellefs de gezette doen dao aan mèt. Pak nouw beverbeeld den titel ien de gezet: "Aantal deilnummers aan de wandelveerdaagse lóp achteroet."

Zèk nouw zelf, dat ès toch nit duudelek, hè. Deij loupe toch vuroet! Of ze mótte e fleenk stök ien hunne zwitser hōbbe, dat ze nimie weite wat vāor of achter ès. En dan nog zoeget oet de gezet: "Van de Kreeke, ger wèt wel, dat bedrief wat straote mōk, ès failliet. Twelf maan stoon op de straot." Dat ès toch nit duudelek. Dao mótte deij toch ouch stoon, anders kinne ze hun werrek nit ver-

richte! Bij het vollegend artikel zak mech bekans de brook aaf: "Bejaordehoes hilt reunie vur de ajd-bewoeners." En dan sjrieve ze ouch nog t'r ónder: "Zeet g'r verhinderd, laot het ós effe weijte astebleef!" Dat ès toch nit te geluive. Nog zoe ein: "Op hiel vāöl plaatse ien Laoneke zien de WC's verstop." Dat ès toch nit duudelek. Dat ze ze daan goon zeuke, ien godsnaam. En daan de advertenties, deij zien ouch nit ech duudelek: "Vollegend weekend ien het ccl hōndetentoenstelling." "Maondeg vloeiemèrret!" Nit duudelek! De vollegende keump van de daanssjaol ien Neerhare: "Edere zaoterdeg venaaf ach oor alleenstaandebal." Iech, fleenk nuijsjierog

gaon ins kieke. Wat vraoge ze mich as ierste..."Boe wilste gae-re zitte!" Allehnouw! Gelökkeg ès 'r de Bèssemgezèt. Deij steit vol mèt sjaele zeiver en flawwe köl. Duudelek, onzin, vaer weite dat wel! Das duudelek!

Het hiel gemeentebestuur (ouch de oppezesie) ging akkoord Mèt z'n alle tege de vergrijzing!



iech gebruik vurtaan allein nog blow haorverref.



het gebruik van raos haorverref ès de enige oplossing.



iech kleur mien haore al jaore doonkerbroen.

Gaans dóm


Twie dóm blóndjes loupe ien e hiel groet bos en zien op zeuk nao 'ne sjoene keersboum. Ze zien al twie ore bezeg en ze hōbbe nog altied geine gevónde. Het weurt kaajd en 't begint zellefs doonker te weure en messijens zellefs te vrere. Wied eweg hure ze wolve jaanke. Ze zien meug en het meug. Zaet het ein blóndje: "De ierste de bête spar dèh iech nouw zeen, dèh hak iech um, verseerd of nit!"

D'r zit get ien

Het huwelek liek erreg vāöl op een lochspiegeling ien de woestijn: "Sjikke palieze, pallem-buim, sjoen vrujkes, een oase um den doors te lesse ..." En dan inins ès alles verdwene ... allein de kameel blijf nog euver!



Karnevalsrecep op groetmoeders wijs Geine stroom nudeg



kaw sop

- Wat ver nudeg hōbbe:
- eine liter gewoen krentjeswaoter
 - ein un (het maoge ouch mie unne zien, meh wel nit euverdrieve)
 - 2 veerse wortele (louf wegsnije)
 - e klein bitje zaajt

Alles ien 'ne ketel good minge en mèt den deksel op de ketel ien de ieskas zette. Minstens ein oor en ellef minute laote rōste. Smaokelek!

Als de Ridder touw ès, ès er toch ope, door de blómme-otomaat kinste altied blómme blieve koupe!



Bloembinderij de Ridder

089 711 911

aan de groete bol op 't beegen van de Jan Rosierlaan (nr. 57)

jongen j.
s t u k a d o o r w e r k e n
tel. +32(0)478 730 926 jrgen.jongen@telenet.be

JONGEN IMMO MEUWISSEN

Stationsstraat 50,
B-3620 Lanaken
089 71 35 61

immo@jongen.be • www.jongen.be

Advocatenkantoor
Geurts & Haenraets

Koning Albertlaan 73
3620 Lanaken - België
089 71 51 65

wenst u een prettige carnavel



DE SJINKERIJ

Bessemmerstraat 6, 3620 Lanaken
0477 96 82 54 • de-sjinkerij.be

Ze goeije ouch alles wēg ...

Den èrremooij ès nit groet, meh h'r hilt lang aan, zink Jean van de Brōk. Lès waor iech op de wandel ien de buurt van de kleijercontainer op het Ceulemansplein, kapelleke Bèssemerstraot. Steit mech dao e steveg gebouijd medammeke bove op h're scootmobiel, te sjare ien den container. Vur de hëllef van h'r lief zaot ze ien de container en ze waor fleenk ien de waer um alle kleijer d'roet te hole. Besjaemp waor ze nit, iech kreeg zellefs de weend van vāor umdat iech h'r op heterdaod betrap haw en 'r ne foto van maakte. Mer good dat ze nit gaans d'rien getoemeld waor en op de hōllep van de brandwaer of ne kraan van Keule deende te wachte, um d'roet getakeld



te waere. Iech zouw nit gaere braandwaermaan zien bij zoe e taffereel! Genóg um 'r jaore nachmerries vaneuver te hawe. Geit het um pure erremooij? Gedreve óndernimmersgeis of ne variaant op deij van Benidorm of ien dit gevaal, de Laoneker bastards

Ouch nit good

'Madam Jansen haet het gehad mèt hāöre maan. Ze gunt 'm geine blik mie en kalt niemie detege. 'Vurwat nit? vraog gaer uch aaf. 'Ze vroog hāöre maan 100 euro vur nao e sjoenheidssalon te goon' ... 'En?' Her gaof 'r 1.000 euro.'



Nuij stripverhaal

D'r ès e nuij stripverhaal oet euver Bekker Chrétien Lambregs. Dat ès den enige bekker dēh het geheim recep van het Bèssemkeukske kint. Ien het verhaal wil z'n vrow het recep te weite kōmme. Ze keump echter altied van een kaol kèrmes thoes. Chretien gief zen geheim nit pries!



Kin gojekouper

Op den ierste daog van de studente op de universiteit nump den decaan het woord. Her geit ins grōndeg de peuntjes op de i zètte ien verbaand mèt de raegels deij 'r gelde. Her begint: "Het ès absoluut verboje vur dat manneleke student de kaomers van de vrouweleke studente te bezeuke. Weurt ger betrap? Dan steit uch een boete van 40 € te wachte. Deenk ger um dat nog enen twiede kier te mōtte doen? Dan kos uch dat 80 €! Zeet ger nog nit gelierd? Gaot ger vur den derde kier? "Aafdokke! 120 €!" Ger gaot dan wel aandere zinge! Op dat memeent reup ene studènt achter ien de zaal: "Menier den decaan, iech hōb nog e vrāōgske! Zien 'r ouch sezoenskaorte te verkriege en aan welke pries?"

Wie enen Hollender

'ne Belsj zaet tege zenen Hollandse vreund: "Iech kin e trucske um op restaurant good bedeend te waere zōnder te betale. "Fantastiesch seg, hoe maak je dat dan?" "Iech zeuk e sjik restaurant, bestel e veurgerech, 'n hoofsjotel, e super dessert en 'n gooj fles wien!" Iech wach e haafeurke en laot dan de koffie en ne gooje cognac kōmme! Dan wach iech tot ze de steul op taofel zètte, jus vur het sletingsoor. Dan keump natuurlek den ober um aaf te raekene. Dan zēk iech 'm gewoen dat iech al betaald hōb aan zene collega, dēh ónder-



Karneval

De zouws zēgge, nao zoevāōl jaore oefene hōbbe de gemeinteleke notaobele, het vak "karnevalvere" ónder de kneej. Toch valle dech soms den sjoon oet bij het zien van flagraante foute tege het protocol. Zoe

ouch wir bij de opening op 11 november. De veurzitter van Rēkem sprook sjan euver de protocolflaoters van de bōrre-gemeister. Ten ierste: pas nao de officieel opening weurt den hood op de kop gezat. Ederein deit dat, allein de bōrgemeister ging effekes langs z'n sjoon loupe en begós mèt 't sjeepke op de kop aan zenen openingsspeech. Marc Stevens leet deij kaans nit sjete vur Marino ins good de lès te spele. Twieds: bij het spele van het Limburgs volksleed hiltste de rechterhaand op d'n hart, aan de leenkerkaant van den boors, as teiken van verbōndeheid as Limburgers. Wat deit Marino? Dēh hilt met z'n leenkerhaand z'n portefeuille vas. Ien zijn situatie zouw iech ouch, tōsse al dat gespuis, m'n dikke portefeuille vashawe of

Gellik en Rēkem aan de klaagmoer

Ien hiel Rēkem spraeke ze sjan! Pas op, dao spraeke ze hiel gaw sjan. Nouw ès 't wel gemeind. De Kasseie op de Paoterstraat zien weg. De gemeente haw ze zoe good ien de beton gelag! Gepik of geliend, das de vraog van ein miljoen. Haet iemes ze kinne gebruke vur de renovatie van de stadshoezer ien vervanging van brikke? Toch nit, de gemeente geit 't zich aantrekke!


Ien Gellēk hōbbe ze ouch de han vol mèt bure roond de zaal Esperanza. Jaore laank steit dao deh zaal ien the middel of nowhere. Dan bouwe ze telangs appartemeente en dan

goon de poppe aan 't daanse. Tijdes de lēste vrouwezitting, dreij jaor geleije, raegende het klachte. Ne zēnger, ien de volleksmoond, Juulke genump, zong zich de lōnge oet het lief en get te euverenthousiast. De bure kōste venoet het bēd de leedsjes van Juulke mētzinge. Gevolg? De karnevalsgroepe en raad van de Galliare hōbbe hunne vaste stek, de hermenie-zaal Esperanza, mōtte verlao-te vur karnevalsaktiviteite. Ze mōtte nouw elders ne zaal heu-re. Ze zien gaon polse op ander plēkke en ederein waor bereid um te hellepe. Het verhaol van de kip en het eij. Respec vur tradisie estebleeft



A NEW STAR ÈS BORN

Midde zomer 2022, Jana Smeets aafkumsteg van Laoneke, deit ederein verstēld stoon. De dochter van Roland, directeur op rōs van de keunsacademie Gèllek, kroog her kaans as presentatrice op Radio 2 Limburg. Wat zien hāōr trouwe? Ze haet e groet hart vur Limburg, volleg de Limburgse actualiteit op de voet en haet e stummeke boeste vrolek van weurs. As Laoneke-naer en Limburger vindt ze 't een hiel ier um alle Limburgers ene fijne mōrrege te bezōrrege ien het program "Start je dag". Vreug opstoon geit pittig waere, meh nao een gooj tas koffie klaort den hiemel wel op en drink de zōn door de wolleke. Jana, vēr as Laonekenaere weense dech hiel vāōl succes um denen ultiemen druim woer te maake. "Diech bēs het zunneke, jao diech allein, as iech diech zeen, dan wiebele men bein" aldus Duo Ammezaosie oet Mestreech ien 1995.



akp Keulen
www.akp-keulen.be
More than a floor

Drutti planten
Maastrichtersteenweg 239
3620 Smeermaas-Lanaken
Tel. 089 73 15 70
GSM 0475 62 19 76
drutti.planten@telenet.be

Carlisi
Erkend hersteller Toyota
Onderhoud & herstellingen alle merken!
Maaseikersteenweg 235 • Lanaken T. +32(0)89 71 36 57
CARWASH CARLISI
Gratis stofzuigen na wasbeurt!

Uitvaartzorg Roger Barthels
089 71 40 87 Partner van DELA
Stationsstraat 117 • 3620 Lanaken
uc.rogerbarthels@delabe
www.uitvaartzorg-rogerbarthels.be
Begrafenissen - crematies nabestaandenzorg

VERZEKERINGEN KREDIETEN
Zakenkantoor Tom Beckers
Ernest Claesstraat 5
3620 Lanaken
089 732 112

Good zeuke, ès nog altied nit gepik

Ien Herbrich höbbe ze ien the middle of nowhere e sjoen nuij keunswerrek geplacéerd ien het kader van "Keuns aan de Maas". Vur de geïnteresseerde: pak zeker ugge GPS mèt as ger op (be-) zeuk gaot.

Kort bij de óndertösse verlaote boerderij Peeters mó't ger zien. Good kieke, het graos steit 'r tamelek hoeg. Nota bene, 'nen Amerikaan, Mark Dion, haet het óntwerrep gemaok van "The tree of Life" op een plek vur de baetere Laonekenauer nit te vinde. Kóm mech nouw nit vertèlle dat 'Uncle Sam' ós nit den hielen tied ien de gaote hilt mèt z'n satelliete!

Het zuut 'r oet as ene boum dèh zene bèsten tied gehad haet, mèt dao-ien ene vès of ene buizerd of zoe, een slang, een geit, ene kwakker, ene reiger, get champignons.... Wat stèlt het veur? Gelökkeg haet Mark het oetgelag; "Het begriep van het laandsjap ien den tied. Den tied stroump door het laandsjap, weij het waoter door de rivier!" Dat mó't e vervolleg kriege. Dat ès al klaor, deze kier van e groet ('ne meter negeteg) Laonekers talent. De mins wilt vurluipig nog ónbekind blieve en anoniem door het laeve goon. Ger maog wel ins effe piepe.



Zaote Hermeniekes (ZH)

De ZH zien ien de vurrege ieuw gebore, en vur völe haet het nit lang blieve dore. Daoveur, proficiat vur de ajdste, 'Jus te Nève', deij zich al 4x11 jaor zien blieve gaeve. Sjoen name woorte vindingriek gekoze, D'r woort ouch al ins get vaals gebloze. Dao keek geine zaote karnevalis op neer, De kop vol leweid en de boek vol beer. Veurop stoont 't bringe van ambiance, de ierste ZH kaom van euver de Maos. Het ging gewoen um zich te amesere, en van de gezelleghed te profiteren. Aan 'Jus te Nève' zouw iech zègge, nog nit de toet op de zolder lègge. blief zeker nog 1x11 wijer doon, dat haet óze karneval vandoon.



Kaans van de laeve

'ne Jónge nette kaerel keump get sjóchter bij Apotiek Paulis- sen binnen. Wat e vollek dao! Weij geit 'r ze probleem vertèlle? Weij kin dat mèt de nudege discretie? Hiel, hiel stillekes begint 'r ze verhaol te doen. De apothiekere gief aan dat ze 'r gein woord van verstande haet. Her zaet het nog ins, get

heller, chance dat niemes mie ien de zaak ès: "Luuster, iech loup al maonde constaant mèt een erectie roond. Versjrikkel- lek ambetaant. Kint ger get vur mech doen en wat kint ger vur mech doen?" Het joonk apo- thiekereke vreug effe tied um nao te deenke en zaet dan spon- taan: "Hiel vööl! Gratis ienwoe- ne en drei maoltje per daog en woonsdeg zeet g'r vij!"

Straffe remedie

Een vrouw keump bij den dokte op vesiete. Wat zuut dei oet. H'r gezich ès boont en blaw. Den dokter vreug onmiddellek wat 'r aan de haand ès. Reageert de vrouw: "Dokter iech weit nemie wat te doen. Iech bin nouw tien jaor getrouid en ederes kier as menne maan zaot nao hoes keump krijg iech slaeg." Dokter: "Messjien höb iech dao wel e good remedieke veur. Maok uch dan een tas kamil- lethee as de maan thoes keump en begin te gorgele, te gorgele en nog ins te gorgele. G'r gaot zeker wel zien dat 't uch vööl baeter geit!

Twie waeke laoter keump de vrow op consultaosie en zaet: "Dokter iech veul mech gaans herkómme mèt deh kamil- lethee en dat gorgele. Iech höb al zeker twie waeke gein slaeg mie gehad. Kamillethee en gor- gele, een goute remedie! Zaet den dokter: "Höb g'r het nouw door weij gemaeklek thoes alles baeter kin goon ien uch huwelek. G'r mó't gewoen op tied en stoond ugge moond hawe en blieve hawe!"



Aan de kleur van z'n zokke te zien ès de kowalisie vur 2024 al wiet vaerdeg.



Laoneker Sjang

Eder jaor lik de redactie van de Bèssemgezèt, e vol jaor laank op de loer, achter boum en strouk um verdeensteleke en creatieve minse oet de Laoneker karnevalswaereld op te speure. Dat relatief oetstèrrevend soort wille ver hóldege ter nagedachtenis van Etienne Peulen. Etienne waor ein van de stichtende lede bij de Raod en vörremde saome met Denis Geurts het zang-en showduo Sjang en Sjo, Laoter kaom Etienne ouch bij de redactie van de Bèssemgezèt. Gewoen ne creatieve mins binne het karnevalsterritorium. Jaore höbbe ver ós gestort op de Laoneker zengers en zanggroepe. Dit jaor zien ver op ne aandere akker goon ougste. Ozze nomina- tie vur de Laoneker Sjang geit dit jaor nao Tom Coun en Sven Luypaert. Van eder karnevalsactiviteit wille ze e fleske maoke en dat doen ze door sjik gekleijd te proonke ien pittelaer mèt de kar- nevalskleure inclusief ne drapeau mèt bellekes. D'r ès nit langs te kieke. Nog effe melde dat Tom al jaore en hiel gedreve de wien- zaak Wines & Bites op 't Molenweideplein oetbaat. Iech laes van de klaante: "ne mins met kinnes van zaake!" Sven, aafkumsteg oet Hasselt ès ne handelsingenieur, deh gein activiteit ien Laoneke euverslöt. Ne sjikke karneval aan uch twietjes.

Dao waar iech nit op gekómme!

Eine oet Rèkem, Gellek en eine oet Laoneke kómme 'ne geis ien een fles tege. De geis vreug: "Zeet ger op zeuk nao het ieuw- weg laeve, dat zit ger good bij miech! Ger mó't er wel get vur

doen en ónder mijn veurwaar- de! Goeij allemaol e veurwèr- rep, weij groet of klein ouch ien 't waoter. Ger maog zellef keze ien ene rivier of zie, weij kleijn ouch... vin iech 't terök, dan höb ger uch doedvonnens getei- kend!"

De Rèkemenauer deenk: "Mak- kie!" en guijt enen tandestoker ien de kolkende Maas bij Uke- ve. Dèh waar gaw verdwene. De geis zeuk en vindt den tan- destoker. Over and out vur de Rèkemenauer. De Gellekenauer guijt ze veurwerrep ien de Mid- dellandse Zie, wiet van hoes.



Iech wouw eigelek stoppe mèt beer dreenke, totdat iech zaog hoe blij 'r waar um miech te zien.

MÖPKE



Ouch dat nog!

De kinder zitte roond juf Philomène. Het geit eu- ver errem en riek en de juf vreug of iemes dao get euver kin vertèlle. Joske stik zene vinger op en zaet: "Juf, iech deenk dat vèr thoes de riekste van allemaol zien. Mene pa haet enen oto, m'n ma ouch, me zusterke eine en me broor.

Ver höbbe e groet hoes, een appartemeent aan de zie..." De juf haet het meujlek vur Joske te stoppe. Daan stik Markske zene vinger op: "en toch deenk iech dat vèr thoes nog riek- er zien. Mene pa haet ne groete Mercedes, ne cabrio en ne Old- timer. Ver woene aan de Goud- kös, höbbe ne villa aan zie, eine ien Spanje. Ver goon ederen aovend dinere ien La Butte en ...De juf prebeert ouch Markske te stoppe. En dao ès Karel "Al- lemaol zeiver, dat höbbe ver thoes ouch! Nog straffer, ver- leije waek keump me zuster mèt 'r vreundje vur den ierste kier thoes. Ne Marokkaan en dow zaet menne pa: "Ouch dat nog, dat ès nog het enege wat heij mankeert!"

40 jaor Traiteur Jaco



H. KEULEN BETON N.V.

Tournebride 20 | 3620 Lanaken
Tel. 089/72.18.70 | Fax 089/72.19.17

www.keulenbeton.be



Ver goon tot het oeterste vur ug hoes!

089 77 23 20

drankenhandel
POESEN

Schutterijstraat 4 | 3740 Bilzen | T 089 412 272 | www.drankenhandelpoesen.be

Iech dreenk lokaal



Baggebeer
oet Wèzent



Hubertieneke
oet Neerhare



Grensgevaal
oet Smaermaas

Sjöt ien en zoep oet



Karneval dreijt al jaore op tradisies. De Laoneker straotkarneval haet altied bestande, ouch ien de periode zónder stoet. Ien Laoneke leep ederein mèt e masker of zoe e versjrikkelek rubbere zweitdeenk op de kop. De straote hawwe hunne karnevalsgroep, ze bouwde ne waogel, gove e bal enz. Hiel get van deij tradisies zien verlore

gegange. De maskers höbbe plaats gemaok vur de glitter en schmeenke oet Mestreech. Het gemaskerd roondloupe ès ouch stilleks weggedeemsterd. Toch ès 'r nog eine groep deh deij tradisie prebeert ien staand te hawe n.l. Sjöt ien en zoep oet. Zij trekke op den deensdeg verkleijd en gemaskerd roond. Good bezeg!

EUROPEANE VREZE DUUD



Ouch Serge ging hout kappe Het Fake News van de Russisse media kint gein grenze. Volleges Poetin zien ze ien Europa massaal hout aan het kappe um de weenter door te kómme. Jus wie in de Middelieuwe. Ien de groete steij (wie beverbeeld Laoneke) zouw op de groete pleine en parke zellefs geine boum mie te vinde zien.

Manne opgepas



Oet gooj brón höbbe ver vernómme dat mèt de karneval ien het Cultureel Centrum extra pispotte gezat weure umdat daan vâöl manne zien mèt dringende "klein" behoefte. Het gekoze model ès echter "Made ien Fraankriek". Ver raoje dus aan um vur gebruuk nog iers ins good de haandleiding te laeze.

En wat höbbe v'r vandaag gelierd?

16



Keump bekind veur

De waopens en de ienspanninge bundele, dat ès nuddeg ien dezen tied! Alles weurt te meuijlek um as einling ten strijde te trèkke. Saome mèt gebalde voeste d'r tegen aan goon. Dat geldt vur bedrieve, óndernumminge, vur openbaar bestuur en zellefs vur vereeniging. Ederein ès op zeuk nao

partners um den hedendaagse waereld aan te kinne. Zoe haet de Federale Politie ne internationale partner gevónde ien INTERPOL. De gerechteleke politie ien INTERNET! En de lokale politie dan? Deij hawwe al betrouwbare en collegiale partners en blieve INTER-BREW trouw.

ZÓNDER HAN EN ZÓNDER TAN?

Louis van Bèr keump tamelek bezope de café oet. Het haet fleenk gereigend en den tarmac bleenk geliek ne spiegel. "Miljaar, het haet fleenk gereigend en nouw mót iech nog de beek euverzwmme!" H'r pak ne fleenke aanluip um te duke en vilt ze gezich kepot en de tan euver. Nouw weurt het hielemaal sjoen ien de maand september! Het haet ouch nog fleenk gevore!

De woerheid of nit

- Iech bin den enege deh raegelmaoteg m'n wachwoorde kraok!
- Iech gaon mörrege mèt men vrouw nao het planetarium. Iech bin benuidt weij ze geit reagere as ze t'r achter keump dat ze nit het middepeunt van het universum ès.
- Iech bin good op waeg um enen dierebesjermer te wae-re. Gistere koch iech 15 goudvesse en vandaag bin iech ze direc ien de bos goon loslaote.

- Gistere hób iech nao "The planet of the Apes" gekeke. En inderdaad, iech hób 'r e paor herkind.
- Iech bin zeker dat iech ien me laeve versjillende minse het laeve gered hób... door geinen dokter te weure!
- Iech deenk 'r serieus euver nao um te stoppe mèt sekse. Lik iech bove, dan hób iech hogetevrees. Lik iech ónder, dan hób iech las van claustrofobie. Lik iech op men zij, dan zeen iech niks op den tillevisie!



Sjang en Sjo mèt olifaante ien de Bèssemkaravaan van 1984 ... foei, daoveur krijg ger postuum 'n gaasboete

Groepsfoto redactie haaf mislök



Eder jaor weurt vlak nao de ierste samekóms van óze redaktie ene groepsfoto gemaok um get promotie te maoke euver de Laoneker karneval. Dit jaor ging de ierste vergadering door ien de Chaplin. Umdat dao wegens besparinge nit genog laampe waore um genóg belichting te gaewe woort oetgeweke nao de cinema. Meh dao kregte ver (spieteg genóg) de groep nit mie op een rij opgesteld. Op de veurgroond ós nuij redaktielid Jos Janssen, deh ter plaatse de kazatsjok daanste.

ERM O O J ?

Een awwer koppel zit bij de Mc. Donalds en ze bestelle eine hambörger, ein fritsje en eine cola vur hun tweeje. De garçon brink de bestelling en de maan snijdt de hambörger jus ien twee deile, verdeilt hiel nauwkeureg de fritte ien twee poorsies en nip ins aan de cola. De vrow deit niks al verrèk ze zichbaar van den honger. E koppel aan de taofel erlangs, bekiet het zaakske en ze moompele: "Wat een sukkelaere, das pure erremooij, ze höbbe gein gèld vur eder ne hambörger. Ze goon nao de taofel en stèlle veur um een tweede poorsie te bestelle

op hun koste. Dao wille ze niks van weite en zègge: "Vaer doen en deile alles!" D'r verlöp vief minute en e aander jonger koppel bekiet zich de hiel zaak ouch ins. "De jonge kaerel zaet: "Daoveur wil iech bès me hiel spaargèld opoffere, wat een elende! Iech gaon deij ajdjes een tweede poorsie bestelle. Ouch dat weurt geweigerd. De maan zaet nog ins: "Vaer doen alles saome en deile alles!" De garçon keump langs het täöfelke en vreug: "Medammeke, smaok het nit? Hób ger geinen hóng-ger?" Zaet de vrow: "Dat geit smaoke! Vaer doen en deile alles! Iech wach tot menne maan gedoon haet vur ze gebeet!

- Lès koch iech ien de Jumbo alcoolvrij beer. Een oor denao kreeg iech tillefoon van de baank mèt de vraog of men baankkaart gepik waor.



Bill, ... den ermooij ès nit groot

... meh hilt wel hiel lang aan Elon.



FAKE NEWS

't waor hiel vâöl werrek, meh m'n zwumbad ès klaor!



Einzelgänger



FAKE NEWS

Deze 'Einzelgänger' waor verlore geloupe. Met z'ne gsm haw 'r nog zjus voldoende bereik um e peentje te bestelle.

Erwin Cauberg



- Snoeien en vellen van bomen
- Boomstronken uitfrezen

Tel. +32 478 736 451
www.bomenlimburg.be

Stretchtenten HAESSEN



Wijngaardstraat 61
3620 Lanaken
+32 477 699 635
Bert.Haesen@telenet.be

HB HEIDEBLOEM

AUTOBUS • AUTOCAR • REISBUREAU • WWW.HEIDEBLOEM.BE • INFO@HEIDEBLOEM.BE • 089/32.20.70



verzekerings DELWAIDE

RPR Antwerpen
Afdeling Tongeren
0423.312.750
Koning Albertlaan 87 - 3620 Lanaken + 32 89 71 49 69
info@delwaide.be • www.delwaide.be




badkamers keukens
verwarming ventilatie
groene energie

warson.eu

Rijksweg 440 - Maasmechelen
Tel. 089 76 09 71
info@warson.eu - www.warson.eu

't laeve weurt deurder en deurder



Bespaar energie

1. Sjöd het kookwaoter van de aerappele nit de poompebak ien. Kroup venaovend gaw de koej ien en vö de waoterblaos mèt het kookwaoter. Wel op-lètte, de blaos nit te kort bij de manneleke sopballekes lègge! Het maog wel get nao caout-chouc ruke, nao verbrande zwezeriken of gestoumde petatte hoof nit.
2. Get geleije höb ger natuurlek uch gleujlaampe vervange door led-lempkes. Goej dèh Chinese led-präöl gaw de voelbak ien en dreij deij van Philips wir ien de luster, ze gaeve ouch nog werremte ien de kaw weenter-maonde.
3. Was nit ederen daog uch tan. Wissel um, van daog tot daog. Den eine kier de boveste rij, den aandere daog de ónderste rij, allein ien het weekend ès het groete pòts: bove en ónder! Mèt kaajd waoter natuurlek!

4. Laot nao het gebruik van den ove het deurke ope en zèt 'r uch druuggrèkske veur.
5. Hool uch 'n koo en enen ezel ien hoes en geneet van hunne werremen aojem. Zoe haet Jezeke zech ouch mótte opwerreme. Mèt deij koo ien hoes hoof de deur van de frigo zellefs nit ope vur de mèllek t'roet te hole. Den tap steit langs uch en bedeen uch à volonté! Vur den ezel ès e gezelsjapsspaelke mèt gelieke bès e topmemeent.
6. Hool de hinne oet de staal en gebruik ze ien hoes as stofzuiger.
7. Maok het hoes wir gezellig mèt brannende kaerse. Romantisch, dat zeker en g'r bespaart op leech. Messjen kroup g'r wel vreug ien bèd en keump van het ein het aander.
8. Haol uch e gojekoupe jenever oet den Aldi. Mèt eder een haaf fles ien de gielis blijf g'r good werrem. Zeker gojekouper as stoke op gaas of mezout.

Besparingstip:

VERWÈRME MÈT PEPIERGÈLD



Frank Vandenbroecke haet door de jaore heen, hiel get ervaring opgedoon met het verwèrme met pepiergèld. Volleges Frank branne de breefkes van 100 euro baeter dan alle aander pepiergèld. Laot het get "VOORUIT" goon!

Tips um e beetje te bespare

Bespare op het waoterverbruuk



Geweldege besparingstip van Nicole: e bad pakke en aafwasse tegelijk. Allein Marcel zal nog wel e tidsje op de bojem van het bad nao aojem mótte happe.

BETAALDE ANNONCE

Um te bespare op d'n elentrik zeuk iech een **wèrrem vrouw** um m'n elektrisse deke te vervange.

Deure benzine



Good oetkieke aste geis tenke en elk dröppelke tèle!

BESPARINGSTIP

Stop mèt e bad te pakke en/of diech te douche

V'r goon trök wie het vreuger waar: 'ne zeenke bessing mèt e kletske waoter. Iers ging pa zich dao ien wasse, en daan kaom ma aan de beurt. Daan pas mochte de kinder zich wasse: iers de ajdste. En as de jóngste zich gewasse haw, woort het waoter nog nit weggegoejd. Het



kós nog gebruik weure vur te sjróbbe of vur de WC door te speule.



Nog 'ne besparingstip: de kins al d'n hoesvoel ien de blowwe zak mètgaeve. Dèh hole ze gratis op!

Väöl gezinne kregte óndertösse de eindaafraekening van d'n elentrik



Proesmans prezenteerde de nuij kollektie Halloweenkostuums. Veural van de facteur ès het effe sjrikke.

Bespare op d'n elentrik



Zeezich?

Boe-um ligge alle Hollenders op het Hollends kèrrekhof mèt hunne kop richting Belsj? Ze wille gaere oet zich höbbe het belafde laand.

Sómmege luij zien wel hiel vindingriek um energie te bespare, meh 't ès toch 'ne goje besparingstip.



Experts in real estate and exclusive insurances

www.christoffels.be

T+ 32 (0)89 73 01 00

Gebr. JEURISSEN n.v.
ZEILMAKERIJ

Europark 23 - 807 Lanaken
Tel. 089 71 42 89
Fax 089 71 28 94

Saniboetiek N.V.
Verwarming & Sanitair

Europark 18 | Industriële zone 3 415 | 3620 Lanaken
T 089 71 53 38 E info@saniboetiek.be W www.saniboetiek.be

GUSTAAF GERITS h.v.

CENTRALE VERWARMING - SANITAIR - VENTILATIE

DE ROET NEUS

Carnavals- & Feestwinkel!

oet simpatie

Klimat-lanaken
Meer dan 15 jaar ervaring in koeling
Specialist in airco installaties

**iech
winkel(h)ier,
diech ouch?**
koup bij ózze óndernimmers

TAXISCHIJS
Uit sympathie

Nulens nv
immo
Stationsstraat 40 - 3620 Lanaken - 089 71 91 30 - immonulens.be - info@immonulens.be

TE HUUR **TE KOOP**

HEBT U EIGENDOM TE KOOP OF TE HUUR? OF ZOEKT U EEN ONROEREND GOED?

VERTROUWEN & PERSOONLIJK KLANTVRIENDELIJK & MET ZORG

Cocktails on tour
PCR®
cocktailsontour.be
PETER.CROUGHS@ME.COM 0499 54 04 15

- MOBILE COCKTAILBAR
- BARTENDER SERVICES
- COCKTAIL CONSULTANCY & ADVICE
- LARGE & SMALL PARTIES
- COCKTAIL WORKSHOPS

Alleen op afspraak

Bijenteeltmuseum
Lanaken
Bessemerstraat 432
achiel.geurts@telenet.be

BIJENHOUDEN IS EEN HOBBY
UIT LIEFDE VOOR DE NATUUR

G EVENTS
SOUND - LIGHT - DJ'S - P.A. - LIVE BANDS
+32 (0)477 88 12 39

BROCANTERIE & ANTIK
GALLERIJ DA VINCI
LANAKEN
Stationsstraat 46/36
Do/Za van 13u tot 17u
Of op afspraak 0472 622019

M
MOVE & IMPROVE
KINESITHERAPIE

KERKPLEIN 30
3620 LANAKEN
089/21.51.81
www.mikine.be

Uit sympathie

Grondwerken
DAVID MOERMANS
TUINAANLEG - ONDERHOUD -
HEKWERKEN - KLINKERWERKEN
0474 40 80 74 david_moermans@telenet.be
Europark 45 • 3620 Lanaken

Merode
INTERIEUR & DECORATIE

Koning Albertlaan 244
3620 Lanaken
Tel. 089 73 02 30
info@merode-interieur.com
www.merode-interieur.com

jbm
JOLIENBRIERSMEDIA
jolien.briers@hotmail.com
0494 40 47 48

gusteau
brasserie | feestzaal

Koning Albertlaan 47
3620 Lanaken
089/ 37 31 41
www.brasseriegusteau.be

Wij zijn ook uw partner voor feesten en partijen

OPENINGSTIJDEN:
Maandag vanaf 17 uur
Dinsdag vanaf 9 uur
Woensdag gesloten
Donderdag gesloten
Vrijdag vanaf 17 uur
Zaterdag vanaf 11 uur
Zondag vanaf 11 uur
Keuken open
van 12 tot 21 uur,
maandag en vrijdag
vanaf 17 uur

DECO•SOL
hernieuwbare energie

WIJ BOUWEN MEE AAN EEN 'GROENE' TOEKOMST

Weg naar Opoeteren 1 • 3660 Opglabbeek
0479 88 40 75 • info@deco-sol.be • http://deco-sol.be

Enkel op afspraak

CAFE FITNESS
TRAFFIC

Kerkplein 5 • 3620 Lanaken • 089 71 74 47
fitnesstraffic@skynet.be • www.fitnesstraffic.be

De EXPERT in verhuur en verkoop van oplossingen
voor Bouw- & Tuinwerken, Events en Logistiek!

eurolent
THE RENTAL & SALES EXPERT
HOUTHALEN SINT-TRUIDEN SERAING

VISTATEC
zonwering van a tot z
Pannestraat 42, 3620 Lanaken - hello@vistatec.be - 0480 63 58 77



De Reckheimer Muzikanten, 50 jaar joonk!

De band **'De Reckheimer Muzikanten'** woort opgerich door wijlen Stouten Lucien en Vanhengel Jan, um 't laeve van de patiënte op OPZ Rêkem get aangenamer te maoke, dus eigelek as personeelsorkès. Het OPZ greujde door de jaore heen en de baand tōsse orkes en het

ziekenhōes verwaoterde. Ien 1984 nóm Robby Vossen het muzikaal commando euver en de OPZ-band ging wijer door het laeve as de Reckheimer muzikaante mèt 't waope-sjeeld van Rêkem ien het logo. Óndertōsse besteit de groep oet een 25 muzikaante, vur de

hèllef ienwoeners van Rêkem en de aander hèllef haet zene waeg gevōnde oet en ien de passie vur de Egeländer-Böh-mische meziek. Aan optreijes ien binne-en boetelaand gein gebrek. Dit jaor hōbbe ze van de Keuning de keuninkleke titel óntvange. **Proficiat!**



Ver hōbbe dit jaor e groet fies, Zaot hermenieke "Jus te Nève" viert ze karnevalsjubileum 4x11 jaor. Het begós allemaol ien 1979 ien de tienerclub Apollo, achter de kèrrek. De mosterd woort gehaold ien Mestreech, dao waor de ierste hermenie al opgerich ien 1958. Het bestuur van de hermenie "Weergalm der Maas" waor 'r nit gerōs ien. Gelökkeg waor Jean Paulisse get slimmer as de res en dèh maan óndersteunde het initiatief. Etienne Goossens woort den ierste dirigent en zijn opdrach bestoont t'rien um meziekkanalfabete (gein notie van muziek-en noetekinnes) een instrumeent te liere bespele ien de codetaal van nummerkes. De naam "Jus te Nève" kaom oet het brein (?) van Roger Barthels en gief e beeld euver weij het muzikaal allemaol kloont. De vollegende maonde woort fleenk op jach gegange

nao instrumeente bij de fanfares oet de buurt. De Chiro en de Paters van het Heileg-Hart College "liende" vur het laeve trommels, trompette enz. Het ierste publieke "optreije" ging door ien de tienerclub mèt de karneval van 1980. De criticasters voonte de kwaliteit pover en het geluidsvolume t'reuver. De positivo's evalueerde ouch het niveau. Hun meining waor dat 't nog èrreger kōs. De Behierraad van den Apollo waor dan wir nit opgezot mèt den titel "zaote hermenie". Door de jaore heen haet hermenieke "Jus te Nève", as ajdste zaote hermenie van Belsj, een pioniersrol opgenómme vur aander meziekgroepe ien Laoneke: **Dexhuurstenix, Zonder Voch Gein Loch, de Porijkes, de Oeretoeters, Noets genóg, ...**

Op de Porijkes nao hōbbe ze allemaol het mès ien het verreke gestoke. Geliek eder vereining tēde ver hoegtepeunte, mèt optreijes ien Brōgge, Antwerrepe, Blaankenberge, Aoke, de wienfieste roond Bernkastel ien Duitslaand. Dat deeg deug! Ouch ien de meujleke meemeente hōbbe ver altied kinne staandhawe. Meziek verbindt!

**Ver kieke oet
nao 5 x 11.**

**WéWéWé
fotoleenk**

**bedank
Ronny**
vur de vāōle
foto's ien de
Bèssemgezèt

En wat hōbbe
v'r vandaag
gelierd?

18

Hang ze oet

Geine karnevalsvlag?

Dao kinne ver get aan doen!
De Laoneker karnevalsvlag
kin bestēld weure bij Pedro
Steegmans via mail:
veurzitter@deraodvanlaontotaoke.be




20:25
Koke mèt kinder • Joonk gelierd ès aajd gedoon. Koke ès fijn, meh alles onmiddellek op aete ès nog vööl fijner.



20:10
Dagelekse kos • mèt Dirk Meus, ein van de bèste kookprogramma's van het memeent.



19:30
Jos & Jos • De wónderleke avonture van Jos en Jos, èllefde aaflevering.



21:00
Belgium's got talent • Het laeve lach Serge Kessen tow. Nit lang nao zijn euverwinning ien de VTM-wedstrijd Belgium's got talent kreeg 'r 'ne kado-bon um 'n jaor laank gratis op te treije ien het cultueel centrum van Laoneke.



22:05
Debat euver abortus • Ouch ien Iran wille ze venaovend de knoup doorhakke.



21:54
Laajf-oetzing van de Oscaroetreiking • Welke vedette vilt dit jaor ien de preize?



23:10
Zot van koke • Eddy Willems kaom vurreg jaor al op de proppe mèt e veunkelnuij kookprogramma. H'r gebruuikte hiel vööl beer en unne, en z'n recepte vele ien de smaak.



20:00
Shrek • Vur kinder die nit bang zien van 'nen Hulk en geine sjrik höbbe van Shrek.



24:00
De Zillion • Film euver het oetgaonslaeve ien Laoneke eind jaore seventeg.



#Metoo • ónder drök van de #Metoo-bewaeging höbbe ze de naam **Hollywood** mótte veraandere ien **Lollywood**.



Heroetzing van de match tege Marokko



Twie Laonekenaere maoke vandaag hun opwachting ien MasterChef. André koos van nature oet vur vrowwebillekes ien 'n pikaante saajs. Alain, 'nen echte vèsmaan, koos vur paolinge gemarineerd ien 'n Heineke-boksaajs en bunekes oet den hoof.



Veurstèlling gaans nuij team



Veurege waek woort de Belzje voetbalploog officieel veurgesteld. Het nuije team zal het zoewiezoe baeter goon doen, gelèt op de kwaliteite van de geselekteerde spelers. Ver weense ze alvas hiel vööl sukses!



DCBORINGEN
DIAMANTBOOR- & ZAAGWERKEN
Boren en zagen in beton,
steen en asfalt
T. 089 20 47 67 www.dcboringen.be

HUYSMANS-RUETTE
BOEKHOUDING • FISCALITEIT B.V.
Marion Ruette
0494 23 80 86
mr@gunterhuysmans.be
Gunter Huysmans
0476 59 60 06
gh@gunterhuysmans.be
Jan Rosierlaan 8 • 3620 Lanaken
Tel.: 089 72 37 54 • Fax: 089 72 37 55
BTW: BE0641.972.823 • Fortis: BE92 0017 6814 7423
ITAA nr. 50.511.738

- Primus viert carnaval in Lanaken -

Brouwerij HAACHT Brasserie
Provinciesteenweg 28, B-3190 Boortmeerbeek
tel +32 (0) 16 60 15 01 - info@haacht.com - www.haacht.com
Bier met hēde gebrouwen, drink je met verstand

Vastelaovend ien Laoneke

Alles euver de machseuverdrach, de kinderkarneval en de 49-ste Bèssemkaravaan

- | | | |
|--|--|---|
| 1 Het Bōske van de Pelies | 22 Hofkapel Vreugd in Deugd | 43 K.V. Geit nit mèt |
| 2 De Otto van de Preens | Zussen - Muziek | 44 C.V. De Eerdōpkes |
| 3 De plākkerkes | 23 Kleurrijke figuren op hoge poten | 45 C.V. De Ioltappers oet Laoneke |
| 4 Het Roet Kruus | 24 C.V. De Keuj - Herderen | 46 Vrun zonder Noam |
| 5 De Reklamstoet | 25 De Stadsraad Bilzen | 47 De Klungelère |
| 6 De Snot-e-bellen | 26 C.V. Bocco Locco oet Rekem | 48 C.V. De Gelliker Galliaren |
| 7 Harmonie KamperJachthoorn Korps | 27 Einzelgenger Jos Tollenaers | 49 C.V. Knatsgek |
| 8 Heksen op hoge poten. | 28 De jongens v/d garage - Maastricht | 50 Harmonie Forum Hadriani |
| 9 Heks van de Raod van Laon tot Aoke | 29 De Leeglaipers | 51 Lustige dansers op poten |
| 10 Jeugdpreensegarde | 30 Zaote Hermenie Jus te Nève - Muziek | 52 De echte Carnavaliste van veur de Brōk |
| 11 Pronkwaogel van Z.D.H. Sofie I en Thibau I | 31 K.V. De Wottelzekskes v.z.w. | 53 C.V. Jus op tied |
| 12 Einzelgenger Jetje | 32 C.V. De Hesepritsers | 54 K.V. De Duvelkes oet Neerharen |
| 13 K.V. De Takkelère oet Maasmechelen | 33 K.V. Albanus en CV De Sjoemeleire | 55 C.V. Sjut ien en zoep oet Laoneke |
| 14 Sambaband Zonhoven | 34 CV De Jipie's Schakkebroek | 56 C.V. De Taffelere v.z.w. |
| 15 C.V. de Foefelère Waltwilder - Bilzen | 35 Einzelgenger Tom & Sven | 57 Preensegarde |
| 16 C.V. De Twiefelere | 36 C.V. De Jodelère | 58 Proonkwaogel van Z.H.D. Preens Ronny IV |
| 17 K.V. De Brikkebekkers - Rekem | 37 K.V. De Doorbieters | 59 Alle Kermelle raopende kinder |
| 18 Biestig good oet Rekem | 38 Carnavalscomité Smèèrmoas Alaaf | 60 Het gemeentepersoneel |
| 19 K.V. De Kotsers | 39 K.V. Van Alles Gèt v.z.w. | 61 Het Bōske van de Pelies |
| 20 Einzelgenger Zwip & Johnny | 40 C.V. 't Kump good | 62 Nog eine van de gemeente |
| 21 De Nuije Rijaloet | 41 K.V. De shelme | |
| | 42 Einzelgener Boris De Motskōp | |

Program vur de karnevalsdag

Vriedeg 17 fibrewari

13.00 oor Kinderkarneval en machseuverdrach
Kinderstoet (sjaole) met oplaote van de heks aan het gemeintehoes

20.45 oor **Machseuverdrach** van Z.D.H. Preens
Ronny de Veerde ien 't CCL
Opgelet: allein met oetnudeging

Zaoterdeg 18 fibrewari

Kinderkarneval (14 oor) en
Aajdwieverbal (20 oor) Cultureel Centrum

Zóndeg 19 fibrewari

14.11 oor **STOET EN STRAOTKARNEVAL**
vertrēk reklamstoet en karnevalsstoet (zelfde parcours)
Nao de stoet Straotkarneval. De karnevals-bōs geit wir bolle venaaf 21.00 oor tot 03.00 oor.

Maondeg 20 fibrewari

Straotkarneval
Pak uch de karnevalsbōs vanaaf 16.00 oor tot 03.00 oor.

Deensdeg 21 fibrewari

23.11 oor Daog van de heks en straotkarneval!
Hekseverbranning op 't Kèrreklein

Woonsdeg 22 fibrewari

Hieringbiēte ien de baeter karnevalscafees

RITMO. SOUND
Ritmo Sound Productions
Printhagenastraat 3 • 6191 PS Beek

TOMMY'S CARROSSERIE
HERSTELLING ALLE MERKEN
ERKENDE HERSTELLER
VRIENDELIJK ONTHAAL EN VAKMANSCHAP !!
Ambachtsweg 9
3620 Lanaken
089/21 62 34
0475/40 76 02
www.tommyscarrosserie.be

Belfius
Bank & Verzekeringen
Agentschap Lanaken
Dagelijks Bankieren - Beleggingen - Verzekeringen - Kredieten - Business
Stationsstraat 12, 3620 Lanaken
E-mail: AG047845@mandat.belfius.be - Telefoonnummer: 089/73.01.80

Silmaco - Silicates Manufacturing Company
is the partner for high-quality customized silicate. Our focus on innovation and quality guarantees your company the best silicate for your application.

SILMACO
SILMACO NV • Industrieweg 90, 3620 Lanaken
Tel: +32 89 730 222
info@silmaco.com • www.silmaco.com

CultuurCafé Lanaken
Aan de Engelse Hof 10 • 3620 Lanaken
Tel. 089 739 853 • GSM 0477 414 578
Email cultuurcafelanaken@telenet.be
www.facebook.com/CultuurCaféLanaken

G&G PASTA-BAR
KLOKSTRAAT 6 - 3600 GENK - T 089 35 30 35
WWW.PASTABAR-GG.BE

CHAPEWERKEN
Wouter Smeets
Molenbergstraat 1
3620 Lanaken
BE 0862 035 238
tel.: 0477 610244
woutersmeets@skynet.be

Chaplin
Europaplein 35 • 3620 Lanaken
Tel. 049 502 541
Maandag gesloten

HET HEERENHUYS
HERENMODE
Dennenstraat 14, 3620 Lanaken
T. 0471 785756 • E. heerencarlo@yahoo.com
WEKELIJKSE MARKTEN:
woensdag Westerlo
donderdag Genk
vrijdag Bree
zaterdag Leopoldsburg
zondag Zonhoven
Vur 'n humme, brook of 'ne jas,
ōze Carlo zōrreg dat het wēl pas.
De maot pakke kin bij uch thoēs,
en lievere deijt h'r ouch aan hoēs.